

罪
惟
錄

六
十

罪惟錄列傳卷之三十六

外國列傳總論

勝國外。凡諸曩真以不治之之。先之詔諭。問有聞者。不問。即安南篡殺相仍。日本詐譎不道。不過去。令中書絕之。祖訓有曰。東南諸夷。限隔山水。後世不煩動衆。乃再傳而輒違祖訓。鄭和之遣。既已勤遠。又復縱內侍專征。有二失馬。交南之役。摧殘已甚。既而坐棄之。遂使後世有狹小前人之恨。則不如初之忘之。蓋以成其大也。且奴兒干都司之設。亦自成祖。我不有彼。不知而後彼之忤。必問也。問我而。不有

禍之倚福恩之為仇。則明之再傳已兆二百十年之
後。豈人能為之哉。果如祖訓。雖非東南亦專主守。不輕動
衆。脩文德一語。以教百世有餘矣。或曰。通真。不如通商。故
事祗有言。務抑互市。任彼貿易。訖志可以長便。夫利之所
在。人心爭之。我操之制以額之。必長必計。乃傳百出。蓋商
物。為致情勞。然也。但須監督得其人。可以無

外國列傳

朝鮮國

朝鮮周箕子所封國也其國南濱海北隣女直西北至鴨

綠江東西二千里南北四千里分八道曰京畿曰忠

清曰慶尚曰全羅曰黃海曰江原曰平安曰咸境設官舉

士畧倣中國俗柔謹知文字崇釋尚鬼惡殺戴折風巾服

大袖衫以蹲踞為恭飲食用俎豆官吏嫻威儀常有女戲

作蠻聲宴朝使居皆茅茨衣多麻苧以田制俸以秬醞酒

高堂未婚者子處不習射歲以季秋享法

無苛條其敗常犯賊及再嫁書名三司子孫不齒人首無

枕骨背扁側產白砥紙狼尾筆果下馬長尾鷄貂納初箕
子胥餘既陳洪範避地于此從之者五千人周因封之後
燕自立為王朝鮮侯亦自王以兵遂擊燕秦為遼東外徼
漢初為燕人衛滿所據滿攻王準亡入韓滿遂自王朝
鮮蓋箕子傳世四十餘乃失國武帝取為真番臨屯樂浪
玄菟四郡漢末為公孫氏所據魏滅公孫晉并于高句麗
高句麗本扶餘別種王高連居平壤即樂浪已而東徙鴨綠
江東南十餘里隋封其六世孫為王煬帝征之不克唐嘗
州縣其地置安東都護府後唐王建代高氏并有新羅百
濟又徙東松岳以平壤為西京子孫遣使朝貢宋時或奉

契丹獻黃帝鍼經。請鬻歷代史及冊府元龜等書。禮部尚書蘇軾疏却之。元太祖時既平契丹。使上之高麗索國贖。王瞰敵國贖。使者返。被賊鴨綠江。于是疑絕不通。元者六載。元太宗時使撒札塔往征之。王力竭請和。元置京府縣以達魯花赤七十二人監之。會班師。瞰乃盡殺元所置達魯花赤。于是高麗苦元兵無寧歲。至于棄松京。避都江華。元虜高麗男女亡慮二十餘萬。殺戮不可勝計。卒盡壞江華內外城。憲宗崩。世祖方南攻宋。世子僊來與俱。至開平而瞰卒。乃命僊歸為王。洪武三年。王顯表賀。即位遣符宝郎。俾斯報賜。封顯為高麗國王。二年。王言有姪女。遣陷軍。

中帝使中官訪得護送還國。賜書諭以持危保國之道。奉佛求福之非。并賜四書六經通鑑。漢書五年。安置歸德侯陳理。歸義侯明昇于高麗。王顥請遣子弟入太學。表稱躬羅國多留蒙古人。恐為亂。宜詰治。不許。六年。貢馬。道亡其二。以上東宮者。足之上。以人臣私交。非春秋之義。其上東宮者。却勿受。賜璽書。自後。毋以浮詐人為使。許貢士赴京師會試。賜金濟第。尋以不通華言。送歸。八年。諭安南高麗占城。每三年一朝貢。上物產布十疋足矣。其王左則世見。十六年。來貢。以違命却之。明年。諭守臣絕高麗。十八年。王顥為權相。李仁人所弒。顥無子。上其寵臣辛肫之子。禍于

是仁人立禍。明年告哀，貢使義道殺朝使斌，執主事寔週王，恐誅義，籍其家表告罪。上以其賊朝使，詢王頴所以死狀，且諭中書省，責貢金百斤，銀萬兩，馬百疋，細布乙萬疋。所留遼東邊民悉送境上，乃見王之嗣位信而政令行也。仁人惧，明年如數以貢，不敢稱嗣王。曰：高麗國王世子禍而詭云嬖臣洪倫弒顯，仁人誅倫立禍也。已乃謚顯恭愍，封禍為高麗國王。十九年，請易冠服，不許。二十二年，李仁人劫囚禍而立禍子昌為王，遣使張伯崔泊朝貢。是年仁人子成桂復廢昌而立王瑤主國事，遣使朝貢。又令其子奭入朝，詔位尚書，下尋使七市高麗馬萬匹，索闈人二百。

二十五年成桂囚瑤及與於其私第自稱國王是年知密
直司事趙胖等以其國都評議司奏至奏言恭愍王薨無
嗣他人子禍得立昏暴好殺謀侵遼東大將李成桂力阻
乃已自知負罪遜位子昌國人弗順更立定昌國院君王
瑤七復與禍党玄禹室等潛謀凌禍謀害成桂國人奉恭
愍王妃安氏之命退瑤私第念宗親無可嗣者僉以門下
侍即成桂可主國事謹以聞上令禮部移諭聽其自為聲
教事四隱不問成桂更名旦徙居漢城使七請更國號詔
號朝鮮自王建開國歷四百三十餘年而絕旦復遣使請
印誥上覽表惟旦不遜使者言表係鄭集

一云鄭集

所撰上盡

却方物、索集旦、懼送集至京、安真雲南、朝鮮國書載旦號
勇善騎射、自恭愍時、已為金吾衛上將軍、東北南上萬戶
威力俾其主矣、故易祚而國人聽亡何、遼東都指揮謀朝
鮮招引女直五百餘人、潛渡鴨綠江、欲入寇、上遣使勅責
之、旦懼陳謝、尋亦遣子入貢、而高皇帝終以旦為執君之
臣、著祖訓、絕之、建文初、旦老請以子芳遠襲已、而旦卒、賜
謚康獻、永樂元年、賜芳遠金印、誥命冕服九章、圭玉佩玉
妃珠翠七、冠霞帔金墜、給象牙犀角及中國書籍、東南桑
中藥物、二年、上欲廣屯田于遼東、徵牛朝鮮、王進牛萬頭、
每頭酬絹一疋、六年、世子禛來朝、及歸、上製詩送之、是時

朝鮮納女後宮。得為妃嬪者四人。十七年，芳遠老，請以子
洵襲。芳遠卒，賜謚恭定。宣德初，賜洵五經四書，性理大全。
通鑑綱目。五年，洵獻海東青，諭以非所好，勿獻。

州夷詐

諭洵，尋欲遣子弟入學，不許。

與較。會瓦剌密令女直諸部誘脅朝鮮王洵，拒之，白其事。
詔獎。荅十年，倭寇朝鮮，來獻俘。景泰元年，洵卒，子珣嗣。珣
卒，賜謚恭順。子弘暉幼，其叔瑒以襲位請。七年，封瑒為王。
天順初，王瑒擅與女直毛憐衛仇殺，廷議遣使責問。以禮
科張寧都督同知武忠性方閱兵忠取兩弓並張之皆折。

仰射鴈。應弦落。國人大懼服。尋遣子入學。引咎解兵。既而納建州酋董山叛。授山中憲大夫。中樞密使。上兩詰之。皆不承。卒得其所授。偽制書示之。王琰驚謝。成化四年。用兵建州。王遣其中樞府知事康純統兵萬餘。合攻兀彌府。諸寨。斬建州李滿住。及其子古納哈等。五年。琰卒。賜謚惠莊。子晄嗣。六年。晄卒。賜謚哀悼。晄子病廢。其兄子萼嗣。屢出卒。賜謚康靖。正德元年。子懜立。懜病風。無子。遜其弟懞。嘉靖中。懞卒。賜謚恭僖。子皓立。未踰年卒。賜謚榮靖。弟烜立。二十五年。命朝鮮貢楮代席。二十六年。許其使臣觀郊壇。遊國子監。設鼓伴以寵之。王請更會典。

所載宗系自言其國祖李旦係出本國全州二十八世祖
翰仕新羅為司空新羅亡六代孫競休入高麗十三代孫
安社仕元為南京十戶所達魯花赤世其官元季兵興安
社曾孫子春率成桂避地未還至正辛丑當恭愍之十年
有紅巾賊入境成桂擊却之授武班職事成桂寔非仁人
子仁人者京山府吏長庚之裔也願洗祖訓所載弑逆之
繆詔許之三十八年倭犯朝鮮盡殪之獻捷垣卒賜謚恭
憲從子肅嗣萬曆二十年倭巨酋行長清正等分道縱兵
陷豐德諸郡肅倉皇走茂州願內屬詔遣兵部侍郎宗應
昌等濟師復王京當是時八道幾失恃內援前後師臣力

恥得返國。時太子久不立。恥迎上意。自稱次子。光海君慧

論曰、檀君者、相傳堯戊辰歲降神太伯山、樹檀下、國人君之、至今與箕子並祀平壤、箕子傳四十一世、至準失國、準入韓地金馬郡、自立號韓王、前後共祚乙千二百二十餘年、南面最久、古無其比、其後衛公孫高王李、則五易其姓、云、其科舉取士、與中國同、定子午卯酉年、初場

試經義論、二場表詰、三場賦策、嘉靖中、使臣任庸、臣係
刑曹僉判、為言、士午以後、狀元姜崇德、沈光彥、鄭希顏、
金忠烈、金希聖、尹鉉、金允鼎、盧守慎、閔時中、僉授亦與
中國相近、大率無鄉試、止有會試云。

日本國

日本古倭奴國、綰波諸彞、倭奴最大、東高西下、勢若蜻蜒、古亦曰蜻蜒國也、國主世以王為姓、群臣亦世官、地分五畿七道、三島、又有附庸國百餘、拘邪韓最大、其俗男子魁頭、斷髮黥面、文身、婦人被髮、屈玠、皆跣足、問用屨、倭王最推長者、居邪馬臺、即邪摩維、歷漢魏晉宋、隋皆朝貢、稍習華音、唐咸亨初、惡倭名、更號日本、薩摩之鸚哥里、其民儉禮、重為邪、獨伊紀之頭陀僧、三十八百房、頗羯、獲嗜殺、而薩摩肥後、長門三州之人、最喜入寇、諸州郡、統于山口、豐後、出雲、三軍門、三軍門相捕剽、國分為三、而摠屬山城君

以後豐後獨強、國人服之、愈于山城君、元世祖時、以其不
服、將兵十萬征之、風覆乾海、終元世不相通也、高皇即位、
方國珍、張士誠、既誅、諸豪亡命、往七糾、彘入寇、洪武二年、
使行人楊載、諭其國王良懷、賜之璽書、且曰、詔書列曰、臣
則奉表未庭、不則脩兵自固、惟王圖之王、不省、復寇邊海、
如故、上復使萊州同知趙秩、責讓之、良懷語秩曰、昔蒙古
輒小國我、使趙良弼、怵我好語、七未既而兵至也、賴天之
靈、波濤覆汝、使者亦趙姓、其後耶秩、為言中國、大明天子
乃掃清蒙古者、秩亦非良弼、後王氣沮、禮秩、遣僧仲猷等
八人、隨秩奉表稱臣、而掠如故、明年、上遣僧祖關、無遠開

諭之。王復入貢而掠如故。乃令德慶疾廖永忠，造海船禦
之時。日本國中有持明者，與良懷爭立，不定。七年來貢，無
表文。其臣號征夷將軍者，有私貢上，并却之。移文責王。九
年貢有表文，語謾淺。責王。十二年來貢，又無表文，乃安置
使僧于陝西番寺。十四年，王良懷入貢，乞還安置諸僧。使
許之。明年復來貢。於時有林賢之，獄曰：故丞相胡惟庸通
日本云。林賢者以金吾衛指揮，倭倭明州。惟庸陰使人諭
賢，送其使出境，則誣指為盜，獲以為功。事覺，惟庸不得已，
佯奏賢失遠人心，上謫居之倭中。既而惟庸請宥賢，復職。
上從之。遂謂惟庸以番書奉日本王，借精銳人為用。王速

僧如瑤等四百人來。又云燭中藏火藥兵器四百人者皆精銳也。時惟庸死三年矣。上乃發四百人者雲南守禦而遣使責王良懷不恭。王答書謾有云。豈謂中華之有主。馬知彛翟之無君。而終以人發殺机。天地反覆。數成語。上怒。復安置其使僧番寺。却其貢。而令禮部尚書責問其國王。峇曰。大明禮部尚書致意日本國王。上居滄海之中。不奉上帝之命。肆侮隣邦。樂民為盜。上帝將假手于人。禍有日矣。王之國始號曰倭。後惡其名。改為日本。自漢魏迄唐宋。皆遣使奉貢。每得封爵。若叛服不常。構隙中國。則必受禍。如吳大帝。晉慕容皝。元世祖。皆遣兵征伐。俘獲男女以情。

千數百年往事可鑒也。王其審之。蓋未常一及。密書事。又令禮部與書其征。曩將軍但云如瑤陳情飾罪。至尊優宥。且云足下畜無徒。沙門忘中國之寬大。構是非于兩端。竟未常一及。燭藏火器事。自是著祖訓。絕之。仍名之曰倭。而令信國公湯和築登萊。至潮沿海五十九城。民丁四調。一以成二十年。置東西防倭衛所。隨遣江夏侯周德興。築福建海上十六城。設衛所。塚福建漳泉人為兵。戍之。歷遣公侯練兵海防。永樂初。詔太監鄭和等率舟師三萬。下西洋。日本國王源道義者遣人來貢。并縛獻犯邊二十餘人。上即令其使人治之。置甌中。蒸死。明年賜王冠服。文綺金銀。

古器書盡。又給勘合百道。令十年一貢。毋過二百人。尋命都御史俞士吉賜王印誥冊封。道義為日本國王。并封其國之山曰壽安鎮國山。親製文勒石以志。道義卒。子源義持立。然亦時來寇邊。王不知也。十五年遣禮部員外郎呂淵諭王還所掠。王使人謝罪。十七年倭以數千人分乘二十舟直抵馬雄島。進圍望海碯。都督劉榮黻伏出戰。斷其歸路。賊奔入櫻桃園。榮合兵搗之。斬首七百四十二。捕生八百五十七。召榮至京。封廣寧伯。時指揮同知侯端者破賊于金山。端負殊力。能一手挽石。後猷行十餘步。策馬坊門。交手擁楫。以足挾馬。懸之。賊入金山。與巷戰。偶一劔墮。

地。所。乘。馬。口。噴。授。端。賊。驚。走。潮。退。膠。賊。十。餘。艘。大。破。之。宣
德。初。來。貢。與。約。舟。毋。過。三。人。無。過。三。百。刀。劍。毋。過。三。十。八
年。源。義。持。卒。賜。吊。祭。十。年。王。遣。使。貢。謝。倭。自。得。我。勘。合。方
物。戎。器。備。載。而。來。遇。官。兵。矯。云。入。貢。上。即。不。如。約。守。臣。辛
無。事。輒。請。俯。順。彛。情。主。客。者。為。畫。可。條。奏。輒。云。後。不。為。例。
後。至。亦。復。如。之。我。無。備。即。肆。出。殺。掠。飽。颺。去。宣。德。末。年。海
備。嚴。貢。稍。如。約。正。統。四。年。寇。大。嵩。入。莖。渚。官。廩。民。舍。並。見
焚。灼。驅。掠。少。壯。發。掘。塚。墓。束。嬰。孩。竿。柱。沃。之。沸。湯。視。其。啼
號。為。笑。樂。捕。孕。婦。竹。男。女。刺。視。之。以。中。否。為。勝。負。城。野。蕭
條。過。者。隕。涕。詔。以。重。師。守。要。地。寇。稍。息。七。年。來。貢。復。寇。如

故成化初冠寧波知我有備矯稱進貢守兵禦之倭立篙
泖中懸燈其上朝赴之則已乘潮去矣成化四年其通事
林從傑等三人隨便臣入貢奏係寧波衛人幼被掠為通
事乞便道省祭從之成化五年來貢通事關宗達教誘詭
稱遭風喪失方物乞給償回國詔許究至使宗達奉化人
曰若舟反覆族其原籍是年使臣清啓凌轢館僕殘殺市
人弘治八年使壽瑩來貢正德六年使宋素卿等來貢求
祀孔子儀注不許素卿者故郵人朱縞變姓名亡入日本
國王源義澄悅之至是與族人朱澄耳目為奸利厚賂關
瑾得賜飛魚服以歸居久之國王為源義植孱不能制諸

島諸島競利則先貢益無專制嘉靖二年其西海道大內
誼興國遣僧宗設入貢居數日素卿設為南海道海川高
國所遣與僧瑞佐全來故事番使至寧波有宴先至者居
上坐素卿後至賄市舶太監先閱其貨坐上坐宗設等不
平攻瑞佐殺之追逐素卿竄慈谿縱火大掠指揮劉錦與
戰死宗設奪舟擄指揮璉去久之鎮巡官乃捕得素卿而
宗設党中林望古多羅等漂入朝鮮界朝鮮國王擒之以
獻俱論死繫獄四年琉球貢使歸使轉諭日本國王捕送
宗設及佐謀倡亂者會琉球使溺水而國王源義晴反附
琉球來使為素卿乞宥并請復修貢獻詔並釋之給事中

夏言乃上言禍起于市舶。禮部請罷市舶者數年。而私舶歲至。不即售。輒賒奸商。久之。奸商欺負。不啻千萬。索極則投貴官家。曩人候久不得。頗構難。有所賊殺。貴官家輒出危言。撼當事者。兵之使去。曩人大恨。盤據島中。並海不逞之民。若生計。困迫者。輒歸之。時七寇沿海諸郡矣。至有衣冠失職書生。頗為嚮導。于是王忬瘋。徐公斯毛。醜瘋之徒。皆我華人。金冠龍袞。稱王海島。二十五年。詔以都御史朱純兼巡瀾。福純嚴勾連主藏禁犯者。戮不赦。上章鑄暴。二三貴官家。于是聲勢相倚者。大譁。切齒。純嗾言官。詆誣。純獄。純憤仰藥死。而有功海道柯喬。都指揮盧鐘。皆論死。繫

獄盜益肆、先是歛人王直者、少任俠、好出禁物、西洋致富、不費異人、信服之、貨至一主、直為儉、紈禁既嚴、諸奸商藉是益、負倭、競賣直、上無所出、招亡命千人、逃入海、推許二者、為帥、引倭結巢、衢之、双峙、港侵淫、蚕食紈、與鏜既連、搗敗之、許二逸去、直收合其餘眾、更泊他峙、而廣東有海賊陳四、賄者、自為一黨、直計殺之、叩閔、獻捷、以求關市、官司弗許、賜米百石而已、直大詔、泛米海中、益入盜、三十一年、直主倭人、以萬人、寢入定海、闕寇溫、破黃巖、劫餘姚、山陰、寺虞、詔提督王忭、巡視福潮、以恭將俞大猷、湯克寬、為分守、明年、破其寇溫、倭火賊烈港、自是潮東西、及蘓、松、淮、北、

諸郡無不騷害，直更造巨艦，偽稱徽王，部署葉宗滿、徐惟學、陳東等為將領。汪汝賢、王激為腹心，而三十六島之夷皆聽指使，尋攻破昌國衛，犯太倉，反擊官軍，其有失舟者四十人，突至淞江乍浦所，往來平湖海寧境上，殺把總一，指揮四，千戶百戶七，縣丞一，所傷官兵則數百不止。倭性勇而慙，每戰赤体舞刀前，不復別生死，聞淞亡人，助之者十六七，大率皆狡悍，善設伏，能以寡擊衆，而內地久寧，目不見寇，遇輒靡潰，沿海諸郡僅七保孤城，賊往來聚散，如入無人，吳越中村落市井，故稱殷富者，半為丘墟，而柘林、川沙窪二處，陳東寢處之矣。于是改忬為巡撫，出盧鏜以

都指揮、備倭福建而克寬以副總兵、提督金山、時倭留內地三月飽去而倭酋蕭顯者失風漂崇明之南沙方攻圍之而衆益至克寬捷濞缺斬首七十三級生擒十四竟坐南沙敗單職立功以之蕭顯逸又明年、杼與克寬等連敗賊于上海之習家墳、大門墩、採陶港等處斬首百餘賊乃北犯通泰且有漂入青徐之界者、山東遼東大震已而陷嘉善犯海寧、襲崇明、掠蘇州松江及崇德、詔以尚書張經提督浙直山東兩廣福建六省而以李天寵代杼、時叅將俞大猷等敗賊吳淞及新江橋羅店而叅將許國、陷伏採陶港潰溺死者千人、詔逮故應天巡撫屠大山、黜為民國

與叅將李逢時皆論死已而賊犯樂清、黃巖、東陽、永康、分
犯松江、嘉興、秀水及湖州、屠嘉善、縣官棄城走、百戶賴崇
華死之。三十四年、復犯乍浦、海寧、陷崇德、攻德清、殺把總
指揮八人、上切責經、而令工部侍郎趙文華出祭海、視師、
適回州土官岑猛妻瓦氏、東蘭等州土官韋世用等、狼兵
至、稍有斬獲、文華遂以賊易辦、促戰、連敗、乃劾經、而薦所
善御史胡宗憲能、是時徐惟學死、其子海、益以倭合陳東
之衆、至數萬、宗憲行兵、頗能濟、以權術、賊至嘉興、則使人
載酒、見賊、佯棄去、亦皆下、鵝、賣酒家、賊往、醉不起、總督
經連敗之于川沙窪、石塘灣、王江涇、擒斬首千九百八十

有奇自倭難以來為第一捷然効經既已行而文華引為已捷經竟坐死西市詔以應天巡撫周玘代經則倭犯常熟上虞會稽西歷杭之于潛昌化至于殺縣令及鄉宦極慘文華無以自解復陰言玘病天寵酒酒坐為民詔以揚宣代玘宗憲代天寵賊有從紹興高阜奔突至竄歛流劫績溪徑南陵無阻者賊中有能以手接箭擲地無害逼太平官兵敗之趨南京賊酋紅衣黃蓋者騎而犯太安德門越秣陵關信宿溧水縣趨宜興武進一日夜抵無錫蘓松巡撫曹邦輔大捷揚橋殲之蓋高埠賊始六十七人而已而行數千里流劫數郡入二縣殺一御史一縣丞二指揮

二把總被戮四五千人。歷八十餘日始滅。于是宗憲合邦
輔。漸直兵七道會勦。陶宅倭大敗。失千二百人。而邦輔別
捷。許墅。文華乃忌邦輔論劾。謂避難而就易。詔戴罪自効。
時指揮王沛捷。礮門。叅將盧鏗。生得真倭八十餘人。斬首
三十八。而倭益至。且犯福建之莆田。鎮海鎮東等衛。千戶
丘環指揮童乾震死之。久之。賊有焚巢出海者。追擊之。甫
勝。老鶴嘴。復大敗之。于嘉定高橋。時文華謾語。歸朝矣。蓋
賊先後至。皆王直所遣將兵者。初不知之也。宗憲獨收直
母妻及子寄獄。至是出而善待之。諭生員蔣洲。陳可顏。名
為移諭國王者。出伺直計。招之。至是見直于五島。直騎從。

揮霍也。曲誘直，上頗以待其家人厚，欲降而阻于其下。葉宗滿等直有姬少華者，金陵倡也，故與善。歌少年沈，即暉時。沈即亦鼠島中，聞少華歌，竊聽之。少華見沈，即相目。決臆，陰幸直敗，冀與沈即婦也。間語直君，謂海中王沉，上可百年哉。直心動，遂留洲為質，而令宗滿及義子王激等隨可願入報計，殺賊自贖，求開市通貢。詔許之。而徐海方擁薩洲彙來也。一由定海入，一由松江入，一由海門入，各數千人，而身擁萬人。逼乍浦，時宗憲已代揚宜，而邦輔被逮，倭陷慈谿，劫金山，殺千戶二人于江中。將軍宗禮敗賊崇德之三里橋，斬首九百，會橋陷，禮與鎮撫何衛死。之時直

部毛烈果反向擊海宗憲縱金使烈招海上解桐鄉之圍
海轉說東上疑未決會吳淞賊萬餘西蹂宗憲啗海金帛
共擊吳淞勝之俞大猷避擊斬首千五百級海心果附獨
其書記葉麻心異宗憲又使間海縛麻以歸而東終未下
也海有兩侍女翠翹綠珠最暱宗憲陰使持簪珥璣翠悅
之曰夜說海縛東又令葉麻偽書與東使反兵殺海而故
泄之海上益感宗憲切東者薩摩王弟帳下書記也部最
強會文革復以總督尚書出視師則佯欲擊海者宗憲為
力解之使縛東以獻于是宗憲勸海厚賄薩麻王弟乞東
代為書記東果之海所海以上之軍門復以其眾擊諸倭

有功。然海意尚猶豫。未即至。請于宗憲。得自舍便地。宗憲使海居沈家東莊。而以西莊居東餘党。中縮河為塹。于是詐為書。遺東餘党。曰。海將盡汝等。以悅官兵。東党怒。伏邏卒伺海。疑。挾兩侍女。將間道投詣軍門。而為東党所截。海中稍亂。而宗憲所密召永順諸兵亦至。烈焰焚東莊。斬首千餘級。鹵面黑。自死者三百餘。蓋宗憲所遺海糲米。有毒。為所中也。得兩侍女。問海所在。女指河沉處。遂起海。斬其首以歸。則飲至轅門。令翠翹行酒。翠翹歌宛轉悲。怨諸將吏皆憐之。宗憲曰。是說海二東者哉。令再嫁一酋。翠翹悲曰。去一酋。又事一酋。妾不能為。投錢塘江死。而先時

寇自黃浦七々出海者。俞大猷敗之。自仙遊趨彭澤鎮者。盧鏜敗之。分掠海門者。把總張成敗之。流入常鎮者。搃兵徐珏敗之。惟定海舟山倭據險結巢最堅。宗憲合大猷率川貴兵九百人。乘雪焚破之。江南倭盡矣。詔加文華少保。宗憲右都御史。三十六年。倭犯江北諸州縣者。副使于德昌。參將劉顯。大敗之。賊盡駕舟投洋去。時蔣洲留王直者。久得遍諭諸島。倭首德陽附舟表貢。而宗滿。激等。入報宗憲者。宗憲待之如布衣交。則陰語直曰。胡公忠信可記也。直乃與洲來。尚嚴衛岑港。不即入。宗憲縱激歸。直令激再至。宗憲與連寢。飲大醉。齣々寐。凡諸前後請戰。書十餘通。悉

寘之几上。夜作寤語曰：吾欲生若，故不就。奈何！激聞寤語，又竊見諸戰書皆不行，則深喜，使其子澄嚙指血，寓書于直而決之。直乃歸。宗憲少華者，私出寶玉賂客，劾直書散其帳下諸健兒，遂與沈即亡去。宗憲蓋好慰直，令繫獄待命。時江南洶上言，宗憲大得彛金，且活直。宗憲惧，遂易疏唯上裁，詔泉示直。宗滿汝賢發戍邊，如宗憲太子太保。叙子錦衣千戶，餘迂賞有差，而毛烈者聞直不果赦，怒與諸彛奮殺夏正，焚舟山觀，以德陽去。竄入閩，首尾巢閩中者七八歲，連犯吳越，所破城十餘，掠子女財帛不可勝計。官吏軍民戰及俘，死不下數十萬，轉漕軍食，橫賞賜，乾

沒入索中者費以巨萬而福建巡撫都御史阮鶚至以庫銀數萬絹數百遺舟六買之去而毛烈竟移衆南灣山造屋而居無所不侵突至流劫湖州大率掠行人索贖至四十二年副總兵戚繼光與總兵劉顯俞大猷來攻閩中倭大破之平海衛斬首二千二百餘級墮崖溺水死者亡算縱所掠男女二千餘人繼光復追斬賊千餘級報効副總兵湯克寬復擒斬二千餘級至四十四年連敗之通州及三沙倭寇絕及至萬曆二十年閩白平秀吉起人奴椎六十六州窺朝鮮釜山與日本馬島對峙往來互市通婚媾猝遣巨酋行長請而義智與伏僧蘓玄宗逸等疾渡破慶

尚道掠開城、分陷豐德、執王太、逼奎山、復據平定、走王李
昫于義州、八道几盡沒、詔以侍郎宋應昌為遼東經畧、而
李松為征東提督、樞臣石星募得遊客沈惟敬、與游擊啣
入倭行間、歸云行長願退平壤、以西畫大同江為界、提督
松不聽、進師平壤、大捷、倭酋宗逸、平秀忠、平鎮信、死于火。
叅將查大受等復捷江南、李如栢奪開城、前後得級乙千
八百、四道復、王昫歸平壤、提督松輕進、逼王京、敗績、碧蹄
館退、保開城、詔劉綎、陳璘、水陸濟師、助援、叅將大受復盡
焚倭龍山倉、倭乏食、監軍職方司袁黃請用惟敬、議疑、而
封貢之說起、令游擊周弘謨、全惟敬、性諭倭、果棄王京、遁

築屯釜山為長火計。王昫還王京，益多防戍。于是沈惟敬以倭酋小西飛入朝，就款而倭復犯咸安、晉州，逼全羅提督，乃令扼南原咽喉，而分守南陽、陝州。科臣張輔言倭無故請款，勿墮其計。宜專勦局遼鎮，都御史趙燿亦言款貢不可輕許。已而倭從釜山移營西生浦，送還王子陪臣。于是樞臣星一意主款，許封不許貢。二十二年，惟敬復入倭議，惟敬在倭云：和親入朝，則云和好親密。言官何喬遠、林材、唐一鵬等，怒請罷封。會朝鮮疏請許貢保國，上以初言官為阻撓，封貢詔小西飛入朝面決。一倭盡歸巢，一既封不與貢。一勿犯朝鮮，永無異意。以勳裔李宗城充正使副。

以指揮揚方享同惟敬往明年禮臣議日本原有玉未審
存沒闕白宜另擬二字或即以所居島封之不听上竟許
平秀吉為日本國王給金印而行長准都督僉事等官時
傳日本王現入山城有文祿三年之曆而小西飛云王為
信所執都御史李化龍遂有六可疑三可慮之疏報聞二
十四年封使方抵釜山而惟敬先往私奉秀吉蟒玉翼善
冠及地圖武經又驅壯馬三百南戈崖騎從獻秀吉私娶
阿里馬女正使宗城詣馬島或言倭情不善宗城懼夜奏
印勅道詔逮就訊改方亨正使而惟敬副之二十五年惟
敬所携謝表不恭而釜山之倭尚逼王京于是復議東征

經畧鄧玠知惟敬為倭向導縛之而大發卒因倭舅山已
敗績明年檄水陸各師四路相機進剿復不利會倭秀吉
死倭意解逐北倭捷秀吉且死全原家康領東北三十三
州輝元領西南三十三州協輔七歲秀賴時前景勝亂家
康起兵誅之併敗輝元專國政而以孫女妻秀賴家康死
傳位其子秀忠稱新關白移秀賴于大板止給廩食及明
末唐藩立八閩以鄭芝龍妻為日本所自出使人乞兵日
本且許諾繼聞芝龍反唐怒曰幾為鄭一老所賣魯藩保
舟山命周藩安昌王賈牛驢等控日本抵長吉島通源將
軍將軍以扈王諸卿非兩榜輕不信既而諸生凌士弘馮

京第獲奉威鹵。黃斌卿血書以往。適西洋失凡三舟。抵日本。然司馬者以為敵至。提兵禦之。見所為血書曰。待捷。西洋可赴。汝士弘等既歸。久之復往。源將軍不為發兵。而以諸軍需助舟山。又得從諸商分稅數萬金。益餉舟山。敗北兵欲款。芝龍子成功而希功者請戰。成功毋死。常以金鑄毋像日朝之希功者。潛襲其寨。攫金毋及真珠。蘆去成功怒。乃連年發兵。擾海上不息。

論曰。蜻蛉自愧其為倭。以倭絕之。可以無後擾邊之患。蓋自元世祖時。喪師駝海。彼乃啓志。既以罷市而和。船猶通世廟時。數十年楊波不休。職此之由。然則神廟中

困一閔白徒多事使非其國內亂且移禍也六可疑三
可慮胡克身不聞我

琉球國 舍那

琉球

一曰瑠球 又曰流乳

所轄古來太平瑠瑤七島自福建梅花所

利舶七晝夜可至唐宋以前不通中國隋元常以兵虜其

男女婦卒不至呼其王為可老羊妻曰多拔茶所居曰波

羅檀洞隋兵再虜其男女五千人元招諭不從元貞中平

章高興撤別將鹵其民百三十國分三王中山王察度山

王南王承察渡山北王怕克芝 一曰立朝命名皆以漢字

蓋其地初亦就教中國習知之洪武初使行人楊載詔其

國賜三王印與皮弁冠已而三王互相攻詔為平之歷朝

貢二十一年以所獲元主次子地寶奴居其地中山王遣

世子及國相子來就國學。又有女師生姑魯妹二人者亦來就學。上賜賚視中國儒生有加。已而世子國相子與雲南生非議詔書上怒皆治罪死。尋賜閩舟工三十六戶便來往察度三傳至尚巴志而承察渡卒無子。永樂中封其從弟汪應祖揖山南王事。九年來貢長史程復乞陞同官。王茂國相兼長史而自言故中國饒州人。今八十一老乞致仕。還鄉許之。其後山北山南皆為中山。臣尚思達所并。巴志卒尚忠嗣。正統中商舶漂廣東。巡戍欲戮之以冒功。海道童格不許。奏還其貲。再傳金福卒。景泰中弟布里與子志魯爭立。失其印。次弟泰以馳奏。詔給泰以印。嗣王又

再傳尚國。成化十一年，貢使還至閩，恣殺掠。詔間歲一貢。貢無過百五十人。傳子真，以官生蔡賓等五人。肄業南雍。歲以觀光館。歷五年乞歸省報。可嘉靖二年，使往暹羅失風，聞界為我所獲。會日本使擾寧紹，上恐互相間，命轉發浙江會勘。尋復令其使正議大夫鄭繩賈勅書轉諭日本。捕治逋誅宗設等真卒。子清嗣。王乞留詔，勅鎮國如安南。許之。十九年，長史梁梓來朝貢，請續造海船四號。詔無違例。二十一年，漳人陳貴與潮陽海舶爭利，詳琉球。琉球械送貴。福建誣以為寇。上治以通番律。諭王無輕與中國人互市。明年復令官生梁炫等四人學南雍。初閩人蔡環撥

賜琉球其孫廷會充貢使至與給事中黃宗樞親舊通饋
謂事覺下詔獄上念貢使姑草賞行勘會倭寇浙直敗還
世子元發兵邀擊得金坤等六人獻捷上嘉其忠賚金幣
三傳寧為薩摩州倭所囚已而得反時貢物襍倭產禮部
侍郎翁正春以為宜示不絕之絕惟本國所產收解餘携
歸四十四年通事蔡廔報倭戰船五百號曾取其東番急
求救不果萬曆中議琉球奉使禮部侍郎李廷机以為夷
官請命于京師使臣即海上可以集事不必冒死索外夷
論者謂得大体云其地海氣蒸溽鮮霜雪多颶風暴雨國
人深目長鼻結髻頂右其有職者橫一金簪三十六姓後

髻結頂。織番好潔。並用色布纏首。黃最貴。紅次之。青綠又次之。白斯下矣。王兼用五色。廣袖寬博。制如道服。腰大帶。布亦如纏首布之色。分貴賤。以五色陶珠為簾。亦以為蓋。大團扇。集鳥羽為之。其民人並縞素。無木棉。屋多茅覆。間以陶。無貴賤。皆草履。脫入室。肅使客。則具冠履。婦人以墨點手刺面。為花卉鳥獸狀。髻肖童子。搥角不施簪珥。粉黛工麻縷。富室上衣之外。更用幅如帷。蒙之背上。見人則以手下之。而蔽其面。下裳如裙。倍其幅。多褶。長覆其足。凡有出入。戴箬笠。坐馬。女僕三四。從之地。不產鉄。爰用螺殼。亦無農器。削木為之。得異味。先薦尊者。居喪數月。不肉食。以

中元前後日浴尸溪水去腐附草纏以帛埋土中王及諸臣家匣骨山穴賦法稍倣古井田有事始均稅事已即罷刑甚峻犯盜竊割腹割刑職官尊者三法司即國相率王母舅妻父任之其次有察度官司刑名有耳目官資碩問有過闔哪囉官理錢穀皆武職大夫以上世及所轄地為姓名長史主封貢不與政事及通事為文官以通中國書乃閩三十六姓之後為之今僅存七姓矣七姓男不為國僭女不為王妃言語衣服無別上以推結居中者七姓居右者本彘也王日三朝搓手膜拜俗稱王曰教那妃曰扎喇王宮建山之巔國門榜以歡會府榜漏刻殿榜奉神衣

樂間常命使為蓋宮殿。頗闕敞。然以板代瓦。尚朴素。不致
雕鏤。亦信堪與家言。曰。南向。後改西向。冊封錫以皮弁玉
圭。麟袍犀帶。視二品秩。東去三百里。為葉碧山。又東。即日
本。販鬻率女僧。市初用海巴。後用日本錢。十當一。如宋季
驚眼。緹環信鬼巫。不知醫藥。以婦人不二夫者為神。尸率
三五百人。白日呼嘯。音節悽慘。其魁號女君王。宮藏佛經
千卷。儒書有四書。無五經。以杜律虞註為經。文弱多學。詩
叅禪。乘土田。砂磔。樹藝。鹵莽。王與臣民分土。為祿食。不交
征。山無虎。宴會亦有歌舞。諳漢字。奉正朔。酒以米瀆。水越
宿。婦人口嚼手槎。以取汁。曰米奇。間來自暹羅。易醉。凡殺

牲不血刃。以水泅而火其毛。武宗常賜玉杯。每出為壽。際陪臣子。及俊秀。凡學書及習武。以日本為師。進退節以金鼓。甲用皮草。弓梢長如掘擔。射則樹地。以兩手彎之。可二百步。好閉殺人。度不免自屠。從長樂。广石出海。望小山。浮空為小琉球。南為東蕃。盛聚落。而無君長。又東隅有彘鳥。語鬼形。袒裸。盱眙。或云即毘舍那國。

論曰。國初來就國學。憲廟以後。每肄業南雍。頗奉儒禪。與朝鮮畧彷彿。乃以日本為師。則何也。若夫生姑魯妹。以女師而迄觀光。大成。至於不二。其夫稱女君。較中國內政。益備矣。

和蘭國

和蘭國即紅彝俗稱紅毛番與佛即機接壤時橫行爪哇
大泥問及聞佛即机據呂宋互市濠鏡心艷之萬曆中忽
駕船稱和蘭欲通貢得彝共拒之移叩閩上人李錦久客
大泥與和蘭習說其酋麻韋即曰請蠲澎湖嶼而守之逼
漳賂璫高案可得志于是于澎湖伐木駕廠而錦先入漳
為渠當事繫錦令諭彝還自贖而璫案竟與彝盟會材官
沈有容出諭夷語中窺且䟽請聲勅彝逡巡去詔大泥國
移檄和蘭無為細人所誤其人深目碧瞳長鼻赤髮舟長
三十丈五桅比三層四置銅銃大者長二丈餘一簇可洞

石城、舵後置銅盤徑數尺，稱炮。海鏡往來不迷，奉天主教。後使烏鬼行巨浪中，如坦道，不習戰，已因中國驅逐。始暮，日本人為先鋒，其炮用法迥于佛郎機。萬曆中，官閩廣看，進紅桑砲為式，比舊制絕殊。中國遂恃此為戰具，而不尚弓矢。崇禎初，劉奇、閩、汕、紅桑、揆六艘由番，突入中左，焚我戰船，官兵多死者。巡撫鄒維璉力拒却之。明季國姓，鄭成功以舟師入樓臺，臺灣、臺灣者，自澎湖深入，和蘭曾築一城，以其人守之。凡通商駐此，候命成功既入，稱為東寧，又稱明永，以倭社輝、桂王不祿，改名東寧，別有傳論，只以和蘭之屬地存桂羊，故溥傳之，在荒服。

占城國

占城古曰占不勞國在古越裳界南達真臘北連交趾自
閩長樂五虎門十日可達周時重譯獻白雉秦象郡林邑
縣地漢併南越屬日南郡境有金山夜嘗飛金如螢鑄金
入大輒十圍故其俗以金為市宋淳熙中真臘人主之故
又名其國曰占臘即釋典所謂王舍城也元至元中內附
封占城郡王其民率以漁為業少耕種獷悍果於戰聞深
目昂鼻髮卷色黑貴女賤男尚釋教王腦後髻結散被吉
貝冠三山金花冠纓絡為飾以白氎布纏胸垂足膝圍色
靴跣足或躡草履出乘象或黃犢車其臣芟葉冠撮髮為

結散。垂為髻。民居茅茨。簷宇法不得高過三尺。民服犯白
死。氣常煖。草木不凋。殺牛祭鬼。元旦驅象出郊。名逐邪市。
用金銀釀酒。甕中繞甕通竹。啗之。王居鑄金。酋長之居。甕
執。灰雕。錢獸。畜王歲時。以人胆為酒飲之。又以浴。凡主國
三十年。棄為僧。入山坐虎狼中。自懺。令子侄攝位。居一歲
亡恙。即復出。為王。國人呼王為昔黎馬哈刺。歲無閏。但以
十二月為一年。其漏鼓十更。冬至定十一月望日。嫁娶以
八月。好晏起。肉魚非腐不食。刑有枷鎖。截鼻斷手。小過鞭
藤杖。當死者。樹繫之。以梭槍舂其喉。殊之。奸犯男女。炮面
罪甚。令坐尖木。自便出口。漾中流。示眾。若故殺。劫殺。令象

躡之。或鼓鼻捲撲。象知人意。輕重不等。槌薰羊皮以代紙。削細竹為筆。蘸灰書之。書如蚯蚓。國有屍致奠。亦曰屍頭。蛮婦人也。目無瞳子。夜飛頭入人家。食小兒。矢氣侵兒腹。兒輒死。頭返合體如故。或移其體他處。不得合。亦死。民有此婦。不報者不救。山產伽藍香。甚美。觀音竹。黑色。一寸二三節。又產降真香。烏木。犀牛。如水牛狀。無毛。黑色。生鱗甲。紋癩厚。一角生。鼻梁之中。馬低小。雞足。寸五分。樹有波羅蜜。甚耳。又有鱖魚潭。訟不決者。各騎水牛過此潭。理屈者必為魚所食。不爽。野牛成群。見衣青人前觸死。國人護首。偶觸首。比殺人仇。洪武二年。遣行人吳用等詔諭其國。

王阿荅阿者已先遣使蒲且麻都及虎都蠻貢虎象且言安南逼侵隨遣諭平之封阿荅阿者為占城王賜銀印塗金及大統曆以其通文字頒科舉詔令貢士赴京師四年遣荅班瓜卜農來請兵器樂器及樂人意使安南知其歸命本朝勿侵上曰兩國互爭獨與爾兵是助攻也樂律故同華彝音異可擇國中通華言者來肄習之八年以其貢使挈行商多謫著祖訓沮遏之十二年王與安南戰不利復諭慰之十四年阿荅阿者為其臣門閣勝所弑自立上惡其篡絕不通永樂元年其王占巴的刺遣使來貢告即位乞諭安南勿侵許之四年上征安南出兵助戰明年復

安南所侵地、獻俘七年、命鄭和出賜王擁五百餘人、執鎗
及舞皮鼓、牌、槌、鼓、吹、柳、鼓、筒、膝、行、蒲、伏、以、迎、十、一、年、遣、其
孫、舍、阿、那、沙、入、貢、是、冬、兵、部、尚、書、陳、洽、言、王、雖、助、攻、李、聲、
寔、懷、兩、端、至、化、州、大、掠、資、李、聲、金、帛、戰、象、李、聲、亦、遣、美、女、
王、復、侵、奪、井、華、府、所、隸、州、縣、其、罪、等、安、南、上、曰、安、南、方、靖、
勅、諭、而、已、自、是、歲、一、貢、宣、德、七、年、暹、邏、貢、使、被、拘、來、懇、詔、
還、所、留、暹、邏、人、及、我、軍、往、西、洋、未、歸、者、正、統、六、年、立、其、嗣、
王、摩、賁、自、是、三、年、一、貢、為、令、成、化、七、年、王、槃、羅、茶、全、被、安、
南、所、虜、卒、弟、槃、羅、茶、悅、攝、國、事、詔、賚、印、封、為、王、適、又、為、所、
虜、使、者、還、未、幾、安、南、歸、所、掠、占、城、地、凡、三、千、五、百、餘、里、徙、

居亦次邦都郎以避安南二十年遣給事中馮義壽封齊
亞麻勿庵為王使未至而卒其臣提婆苔者受安南僞命
為王義誤以為真即以詔印授提婆苔義歸海上卒齊亞
麻勿庵之弟古來者恨提婆苔起兵攻之安南東勢舉兵
壓境欲生邀提婆苔古來懼率妃孫及部落千餘來請封
于是追治誤封義罪更封古來為王安南必以提婆苔當
嗣就墳兩廣都御史屠瀟直古來致崖州受朝命古來卒
其子汝古卜洛乞封不言父卒給事中任良弼以為國王
志不立不係朝廷封不劫也大率無事廢朝自立有事假
國命為重宜予勅別詰責安南還其侵地送之正德八年

遣給事中李貫封沙日底齊為王。貫等即其境憚入以無
通事諸人為解致命其使而歸嘉靖三十一年使再至其
國界靈山七產對文藤杖往來販舶必此樵汲又崑崙山
節然瀛海之中與占城及東西竺昇峙相望西洋販舶必
順颶七晝夜可過俗云上怕七州下怕崑崙此山無所產
人火食躡穴巢樹而已

論曰詔以其通文字賜大統曆許貢赴京師科舉雖不
果貢然能求樂器及樂人其國亦似可化而世為安南
所苦斯弱不足慮也

聖人之道，其於天下也，猶天之有日月也。日月之照天下，無時而息，聖人之教天下，亦無時而息。故君子必先慎乎德，德有餘而後用財，財有餘而後用事，事有餘而後用兵。用兵無時，用財無時，用事無時，惟德有餘而已。德有餘，則財用事兵皆足矣。故君子必先慎乎德，德有餘而後用財，財有餘而後用事，事有餘而後用兵。用兵無時，用財無時，用事無時，惟德有餘而已。德有餘，則財用事兵皆足矣。

真臘國

真臘本扶南屬國在占城西南隋始通中國姓利利氏唐神龍中并扶南而國分為二南近海為水真臘北多山為陸真臘後復合為一宋宣和初封為真臘國王有聚落六十餘慶元中被占城為屬國遂號占臘又有參半真里登流蒲甘等國皆屬真臘其國自號曰甘孛智後訛為甘破蔗閩人賈其國則方言曰柬埔寨也自占城抵真蒲即其境洪武六年國王忽兒那遣柰亦吉郎表獻方物賜明曆文綺王死參合其武者持達志立屢入貢賜銀印黃金塗二十年王正黎列保昆耶甘谷者遣使貢象五十九香六

萬勛永樂初告即位御史尹綬報之圖山海所經以歸景
泰二年來貢賜王及妃文綺景泰以後不常至地通印度
其俗謹於奉佛尚華侈東向為上右手為繫男女椎髻穿
短衫圍梢布以香藥塗身皆奉佛文書以鹿鹿皮染黑用
粉畫之法有剗剗配犯盜者則斷手足殺中國人必於
中國人殺之可贖也有銅臺列銅塔二十四銅象八鎮其
上象各重四千勛王三日一聽朝坐七宝林出入擁劍立
象上迎小金塔金佛前導亦有通天文者能推算日月薄
蝕以十月為歲首閏悉用九夜分四更候煖不識霜雪俗
稱儒為班詰僧為苧始道為八思班詰不知所誦何書但

從此入仕為清貫。備暹婦蚕織。

論曰。尊中國。通天文。扶南猶可教。其占成之垂歟。

暹邏國

暹邏國在南海中，古赤土地，北連交趾，自占城西南七晝夜可至。後漢赤眉遺種本暹，與暹斛二國，元至正間，暹斛降暹，併稱暹。暹土瘠不宜稼，暹斛即古婆羅刹，土平衍多獲，暹仰給焉。剪髮穿耳，跣而繚腰，及骭前後珍寶之國也。地過千里，外山崎嶇，內地潮熱，氣候不正，有西塔始造時，值鄭和至，削其合尖。後屢合之，不能尖也。王所居宮用黃金塗，帽金帽，若白抹首，鬘周于身，以受明封。平時腰束款絲，悅獨不剪髮，出跨象，或乘肩輿，張蓋，菱葦葉為之。臣民望見，王合掌，偃倮捫王足三，乃自捫首三，謂之頂上恩。

用周正。蝦蟇生則拜月。曰。毋使食也。教用釋經。字皆橫書。家及百金。即以其半施佛。大刑烹鋸。男子決于婦人。謂其多智。妻有私。則置酒飲其兩松。曰。妻美。中人觀也。工刺綉。織絰。率為樓居。貫換柳片為板。藤羅之。亦削換柳之幹為鏢。以吳牛之革為鎗。有藥。辦習水戰。大將俱用聖錢。累。身。必。知。不。能。入。聖。錢。者。腦。骨。也。行。錢。用。貳。否。國。必。大。疫。男。陽。遭。破。之。嵌。錫。銖。十。數。顆。國。有。嵌。錫。業。人。任。呼。也。其。富。貴。者。範。金。為。空。珠。中。藏。砂。子。行。則。扱。匕。有。聲。不。嵌。珠。人。賤。之。矣。婚。則。群。僧。迎。婿。至。女。家。僧。取。女。喜。紅。貼。男。額。上。稱。利。市。然。後。婚。貴。人。死。則。以。水。銀。灌。其。屍。葬。之。其。下。暴。屍。海。沙。飽。群。

烏棄骨於海云烏。葵釀秫為酒。甲諸彝稱暹酒。國西南百
里有上水鎮。番貨所聚。紅馬廝肯的石。在紅雅姑肩。下明
淨如石榴子。最奇。產白象獅子。獠白鼠。六脚龜。及黃連羅
禍連香。洪武四年。大理寺卿聞良輔。持詔其國王。參烈。昭
昆牙。遺奈思。俚儕刺識。悉替奉貢。賜大統曆。王懦廢從父
參烈寶。昆牙。唵哩哆囉祿。代立。九年。遣子昭祿群。膺哆囉
諦刺。修世見。賜暹邏國王印。久之。子昭祿群膺立。勅之曰。
朕即位以來。使命周于四外。凡諸君長履境者。三十六。聲
聞者。三十一。大國十有八。小國百四十九。唯暹入中華最
近。亦唯暹最好禮守德。朕甚嘉之。永樂初。王與琉球通好。

漂聞被籍詔廩而遣之十三年王卒子三賴波摩扎刺的
賴立數侵陵滿刺加國滿刺加以告制解之十五年遣奈
必表貢乞量衡式賜古今烈女傳金綺量衡令准三年一
朝貢宣德中稍減賜物著為令正德二年王悉里麻哈賴
九年王谷戎有替下十一年王思利波羅麻惹智刺貢使
未嘗絕時譯夷字無識者大學士梁儲請留來異一二人
在館肄習從之汀人謝文彬者嘗販鹽失風至其國遂受
官坤岳坤岳者華言學士也偕來貿易下更嘉靖中王勃
略坤息利尤池牙遣使貢白象上中道死使者取象牙鑲
以金石珍寶留貯白象尾為證上之隆慶初東蠻牛求婚

暹邏不與東蠻牛志起兵圍暹邏破之王自經死國其世子及中朝賜印以歸次子攝國奉表求印詔與之萬曆初王起兵復仇東蠻牛宵遁暹邏遂移軍攻降真臘雄海外七年來貢二十二年緬酋雍罕等從蠻莫道歸暹邏卷甲趨之俘斬數萬緬勢遂衰

論曰好禮守德以教暹世也安得諸聖錢入中國累身以禦不庭。

哈烈國

俺都淮八刺黑魯迷

哈烈

一名黑魯

在撒馬兒罕西南去嘉峪關萬三千里元駙馬

帖木兒之子沙哈魯嘗居其地國人稱為速魯檀猶華言

君王也東有俺都淮八刺黑諸城皆隸焉洪武二十五年

遣使詔諭永樂七年頭目麼賚朝貢正統二年使哈只貢

馬王石城方十里壘石為屋墻壁窓牖皆金碧琉璃金床

重茵衣冠大類亦力把力民土房氈帳以雨少故上下互

呼名雖王亦然相見少屈躬道撒力馬力一語握手或相

抱為禮致意于人則云撒盤少炊爨飯食就肆無七箸交

易用銀錢上三等無正朔日月亦無斗斛用權衡為量稅

十二國用資焉。男髡首，衣尚白，喪易青烏。無棺槨，不祀鬼神。祭先于墓所，人多善走，日行三百里。氣候常煖，磁器最精。產巴旦杏、鎖伏、花楸、金銀、珊瑚、琥珀、水銀、珠翠。名馬、獅子、黑白文獸、豎白、鹽，可為器，宜蚕。紈綺過中國。男女瀆亂，然有學舍。聚生徒，講習經義。寡爭訟，好施予。而屬俺都淮去哈烈千三百里，平曠無險。地沃人繁，八刺黑。一名黑，在俺都淮東北，地平廣，食物豐饒。西南諸蕃賈取焉。永樂中，哈烈沙哈魯各遣其子守之。魯迷，或云地屬哈烈。嘉靖中，一再入貢。禮部尚書席書奏魯迷不載王會，真贋莫辨，宜善遣之。五年，復貢獅子、犀牛，留熟彘五人，飼內府。定五年一

貢十餘人。三十二年，北鹵寇甘州，總兵楊信以土官百戶馬能言令魯迷諸國貢使九十餘人前禦鹵，罵亦阿力等九人死焉。詔罪信，棺殮。返死者歸國，仍優諭其王。論曰：西夷死國九人，其選也。聚生徒講習經義，乃有此。

土魯番國

黑婁
盛澤

土魯番

一名土
爾番

在大州

西百里

古交河縣

安樂城也

城西

二十里

有崖見城

相傳為縣治又云古車師國云候媛少

霜雪人皆屋居信佛法多僧寺永樂十二年吏部員外郎

陳誠使其國還言城西北百里有靈山倍云古十萬羅漢

涅槃處也山行二十餘里石理紛如毛髮或云羅漢洗頭

雜髮處也又五六里崖石白似輕脆不可握或云此羅漢

遺蛻也又東石笋如手壁起瑩潔可現或云辟支佛涅槃

處也四面峻壑窮峯天巧奇絕草木不生鳥獸鮮少云產

金剛鑽梧桐藤柳青撒哈刺禪衣等物甘肅大抵無北南

患專防西彝。七種中土魯番最好猾。宣德五年始遣使來貢。成化弘治間擾我西鄙。虜哈密王及金印去。事在哈密傳。嘉靖十一年。速檀滿速兒等來貢。稱王者七十五人。貢使至四千人。內閣張孚敬言。西域稱王者多。恐彼自封授。或部落相長。宜答勅亦稱王。禮官夏言議。西域稱王者唯土魯番。天方。撒馬兒罕。三國。如日落諸國。名甚多。朝貢絕少。至嘉靖初。天方漸增至六七王。魯番至十一二王。撒馬兒罕至二十七王。今則天方二十七王。土魯番十五王。撒馬兒罕竟至五十三王。况所稱王號。原非舊文。即有同者。地面又異。若人與一勅。恐非所以尊中國而嚴外彝也。自

後各執賜勅率其部落貢不如期使不如數任意往來勢
難阻絕驛傳勞煩宴賜類數竭我財加以役遠異計亦左
矣上從言也當是時土魯番強殘破我嘉峪關外七衛及
城郭諸國地大人衆非復陳驗封奉使時知滿速兒死子
沙速檀嗣次子馬黑麻復據哈密遣使求貢火者阿力克
等八百七十四人詔居之甘州嘉靖末沙速檀潛掠北
中流矢死弟馬速嗣來貢隆慶中馬速死馬黑麻嗣一姓
四使詔附于烏里麻使中而與土魯番世好者為黑婁其
地山水草木禽獸皆黑色男女亦然宣德七年始遣使來
貢又鹽澤去土魯番三千餘里自黑的兒火者稱王既死

土菌之强者簞之不得詳地產石鹽可為器以盛肉食可不鹽

論曰處七十五王如憂言議差會信佛法而狡奸乎

此處文字模糊，似有印章或圖樣，內容難以辨認。

于闐國

火州唐陳
哈失哈力

高麗古高麗國

于闐在葱嶺北二百里其國東西五千里南北千里漢建武中莎車王賢攻併于闐于闐將休莫霸自立尋滅莎車梁天監中敵玻羅婆步障隋大業率朝貢其王以王為姓唐貞觀中朝貢不絕王姓尉遲上元初以其地為昆沙都督安史亂不復至石晉時王李聖天自稱唐宗入貢受封為大寶于闐國王宋末南遷朝貢不絕嘉祐中以其國王為特進歸忠保順砮鱗黑韓王永樂六年頭目打魯哇亦不刺金遣滿刺哈撒木丁等貢玉璞十二年陳誠奉使其國七主微弱被侵境內惟火州嚕陳哈失哈力稍有城邑

餘皆荒索，永樂以後，西戎奉職貢，不敢輒相攻殺，始得休息，漸就富饒。人機巧，以木為筆，好浮屠法，習歌舞，工紡織。相見輒跪，得問遺書，戴於首，乃發之。其山葱嶺為大河分，為三，有白玉、綠玉、黑玉之別。每歲秋，見月光盛處，索玉必得。有比摩寺，云是老子化胡成佛之所，產胡錦、雙峯駝、諸香珠、珊瑚、翡翠、琥珀、花葉布、名馬、膾、臍、金星石、水銀、獅子、阿魏。貢使每來，必携一寶，鑑云涉流沙，必挈水行。是鑑投水，必沸。而火州自嘉峪陸行，一月可至。去土魯蕃百里。本漢車師前後王地，前王治交河，後王治務塗谷，即唐蒲類縣。漢元帝時，以其地高，厥名高昌壘。後魏初，有闕伯周。

者自稱高昌王。唐太宗平高昌，置西州。及都督府。後陷于吐蕃。其地有回鶻襟居。故又名回鶻。宋時屢遣使朝貢。元號畏兀兒。隸馬哈木八國。朝號火州。山色如火。故名。東有柳陳隸之。風物蕭條。民居僧堂居半。明初仍置達魯花赤監治之。永樂七年，遣使朝貢。宣德五年，火州王哈散、土魯番萬戶賽因帖木兒、柳陳城萬戶瓦赤刺，俱遣使貢馬及玉璞。至今朝貢不絕。俗信佛法，好騎射。時節潑水為戲。柳陳一名魯陳古。柳中縣地。去哈密千里。中經大川，砂磧無水草。馬牛過此輒死。大風條起，人馬相失。道傍多骸骨。有鬼魅。行人失侶。白旦迷亡。彝人謂之旱海。出川西行至流

赤斤蒙古

附安定曲先罕
東罕東左沙州

赤斤蒙古嘉峪關外七衛之一也。周西戎戰國月氏秦漢
屬匈奴。武帝取為酒泉燉煌二郡。唐末沒于土蕃。宋八西
夏永樂二年故鞞韃丞相苦木之子塔力尼率五百人來
歸。設赤斤蒙古所以為千戶。尋陞所為衛。塔力尼為指揮
僉事。十年叛。寇老的罕走匿赤斤。詔諭塔力尼。明年擒老
的罕來獻。優勞之。進同知。卒。子且加失旺嗣。累陞都督僉
事。其指揮草古者。西掠沙州。勅令改置。已請建寺白城山。
不許。時瓦剌也先要婚赤斤。且加失旺率子阿速。懼請內
避。不許。遂陰與瓦剌市。至受平章等秋哈密使者嘗道赤

斤為部首劫掠阿速不能戢我兵捕首忠械京師景泰中
也先以書誘脅不從自是朝貢不絕後以土魯者逼東從
肅州境種人散走衛遂墟嘉靖中兵部尚書王瓊議撫屬
彝以鎖南東襲駝朝貢安定鞞韃別部也地廣袤千里無
城郭其俗馬乳釀酒氍帳為廬洪武七年安定王卜烟帖
木兒遣使朝貢分其酋長為阿瑞阿其苦先帖里四部賜
銀印仍稱安定王永樂中設安定阿端二衛王為曲先所
攻殺部落潰散十一年其孫亦攀丹復故封己中使往西
域道死于賊上為安定曲先豪首都指揮李英擊安定俘
斬十餘曲先遁去宣德二年以安定僧賓竹領真為國師

給誥命銀印。是後王與國師並入貢。而國師外復有禪師。正統中詔還其國。成化中為土魯蕃所殘破。遂服屬之。弘治中詭稱忠順王。近裔以姪陝巴襲。有哈密。正德七年北鹵亦卜剌破安定。奪其誥印。嘉靖中求國師藏卜。塔巴等襲指揮。賊領其衆。而安定王苗系無傳。曲先者永樂四年所設衛。以土酋散西思為指揮。同知宣德初平其叛。論功加國師禪師秩。已又掠西域貢使。都督史昭討之。進馬贖罪。尋為安定所鹵。詔安定遣還。復業。成化後被侵。走匿烏思藏。或依沙州嘉靖中擁帳三千。與罕東衛帖木哥土巴等來歸。曲先故地盡失矣。而罕東者洪武末涼國公藍玉

追捕寇至罕東將佐諫勿入不聽縱兵阿真川土酋哈咎遁去不見鹵而還三十年入貢後立罕東罕東左二衛尋進酋長鎖南吉刺思為指揮使其兄答力襲為指揮同知頭目奴上為指揮僉事歲貢不絕成化後土蕃迭入哈密二衛弱不能支頗流散後其酋土巴等叛附土魯蕃沙州古燉煌地唐末陷西戎張義潮以州歸為歸義節度使梁後曹姓代立迄宋朝貢永樂二年立衛正統中都督喃哥以因瓦刺率部來歸衛遂廢或曰二罕東皆在沙州阿端人沒不知其處

論曰赤斤為屬比三衛尋盡棄東西失散邊多事矣

亦力把力

亦力把力在沙漠間。或曰烏耆。或曰龜茲。元時名別失八里。馬哈木封于此。洪武二十四年。王黑的兒火者遣使貢馬。永樂四年。王沙迷查干遣使貢玉璞。且言哈密忠順王安克帖木兒為北鹵鬼力赤毒死。願率兵討之。上喜。勅與哈密嗣王脫七和睦。十六年。頭目連哥克刺滿刺來言。歪思弒其從兄王納黑失。只罕自立為王。從其國西去。更號亦力把力。正統二年。王也先不花遣貢玉璞駝馬。自是入貢不絕。其國無城郭宮室。逐水草住牧。設帳房。擅屬寒暑。坐卧於地。其王戴小單刺。簪鴉翎。削髮貫耳。地多霜雪。深山

大谷六月冰澌俗獷疾服用污穢上下無紀律產雌黃胡
粉馬駝犂牛孔雀氍毹阿魏白氎布
論曰此等國無定處亦無定名

蘇門答刺國

附那孤兒
黎南淳里

蘇門答刺漢之條支唐之波斯大食宋之瀕文達那西洋
要會也其西有蘇隣國摩尼佛生焉其地東南火山連
阿魯那孤兒黎伐三國自滿刺加西南順甌五晝夜可至氣
候常熱如夏風俗淳厚與滿刺加同市用金錫錢金錢曰
那底兒山不生草木土石皆焦惟生旱稻二枚無麥產胡
椒芭蕉子荖吉柿玻羅蜜睹爾烏俺拔黑羊無白者國無
城郭有大溪入海口最險船常溺太祖有天下以其教
門上擬國號禁除之王遣使表貢請改國名詔以為蘇門
答刺永樂三年酋長罕奴里河必丁遣阿里朝貢詔封酋

長為國王五年再貢已而王與花面王戰敗中矢死子鎖
 丹罕難阿必鎮幼王妻號于國曰誰復此仇吾以為夫國
 中有漁父者起兵殺花面王比妻曰夫我遂尊漁父為老
 王七年遺其臣阿里表貢久之故王子長陰與部曲謀殺
 漁父而漁父之子蘇幹刺刊一日者復起兵峭山為父報仇
 會鄭和入海賜諸番蘇幹刺怨朝賜僅及鎖丹罕難阿必
 鎮領眾邀擊和軍和與戰敗之蘇幹刺走追至南淳國并
 獲其妻子俘行在伏誅宣德中一再表貢九年使弟哈利
 之漢來貢麒麟禮部尚書胡濙請表賀不許王弟卒京師
 贈之鴻臚寺少卿治喪葬給守塚十年請封其子為王其

後再易姓萬曆中為國王者國中之大酋奴也。奴為其大
酋牧象。肥。大酋喜使主魚。輒上魚。大酋而不以充稅。大
酋益喜。時大酋入見王甚恭。奴曰。主不欲之乎。欲之。王矣。
因促謀大酋上殿。與王密言事。屏左右。奴直入刺殺王大
呼。吾主王矣。大酋故掌兵。無敢與大酋難者。或偶語。兵輒
收之。大酋德奴。與之以所掌兵。他日。奴又以其兵刺殺大
酋。而自為王。東有黎代。部三千餘家。自推一人為王。屬蘇
門答刺。所轄又東有故隣國。默伽國。故隣人黑如漆。花面
即那孤。見國止千餘家。地宜稻禾。風俗淳厚。男子皆以墨
刺面為花。獸之狀。獠頭裸體。單布圍腰。婦女圍色布。披手

巾、堆髻腦後、不奪不盜、上下自耕而食、地產香味、青蓮花、近布境內一山、產硫黃、常貢方物、界近南巫里洋、有龍涎寺、每至春間、群龍來集于此、交戲而遺涎沫、番人挈駕獨木舟、登寺採取而歸、或風波則人俱下海、一手附舟、一手楫水、而得至岸、其龍涎初若脂膠、黑黃色、頗有魚腥氣、久而成塊、或大魚腹中刺出如斗大、焚之清香可愛、貨于蘇門答刺之市、一斤詎金錢乙百九十二、准中國銅錢九千、嘉靖三十四年、購不得、懸價每斤銀一千二百兩、僅得十、一兩、以為非真、更得六七兩、黑白珠色、黑者得水、白者得、之山也、益價每兩百金、其用入香、能歛腦麝、數十年不解、

有三品曰汎水曰糝沙曰魚食而魚食又有二莫先食涎
燕海花而死吐沫為佳莫則下耳去龍涎寺西北五晝夜
海中大小七門上皆可過船傳聞釋迦佛經此浴水被竊
其衣去誓曰後此有衣者必潰其体于是男女令皆削髮
無衣止有樹葉紉結而遮前後無米穀食魚蝦及芭蕉椰
而已南淳國在蘇門答刺正西舟三晝夜可至亦止千餘
家主與居民率回上人所首止降真香西北有太平嶺峻
山又半程為帽山七西即西洋大海名那沒黎洋蕃船往
來俱望此山為的山麓淺水生珊瑚樹長可三尺根有二
丈姆指根色黑帽山居民不過二三十家

論曰、彌勒生而為明○摩尼生而亦為明○以相扶而傳其
一○以相疑而禁其一○

瓜哇國

附蘇各丹丁机宜重迦羅藤里日羅曼治合猫里吉里地

瓜哇、唐訶陵國也。古曰閩婆，一曰蒲家龍。今稱下港。舊傳

鬼子魔王青面紅身赤髮，與一周象相合生子百餘。適雷

震石裂，中坐一人，象推之為王，遂驅周象生齒繁焉。其國

南瀕海，北真臘，其屬羸有蘇吉丹、打板、網底、勿及、加留、地

丁机宜諸國。而三佛齊亦羸事之。王所居處名滿者伯夷。

太祖即位，詔諭其國，還其使。元之未歸者三年。王昔里八

達刺遣使，占必表貢納元。所授宣勅，王死，子八達那務

立。九年，三佛齊請封，使者假道瓜哇。瓜哇以其二事，遠殺

我使。十三年，遣使阿烈彞烈時表貢獻黑奴三百，上切責。

之絕其後。猷是時其國已分為二王。永樂二年其國東王
孛合達哈遣使朝貢。請印與之。西王都馬板亦遣使一再
入賀。其旁近牒里日羅夏治合滿里三小國亦附之來。五
年西王擊東王滅之。詭言立其子明使者之在東王城見
殺百七十人。西王懼遣使亞烈加思謝罪。責償黃金六萬
兩已而不如數。赦不問。自是使者常不絕。其王為楊維西
沙云。宣德後久不至。正統三年使臣西烈馬用良入詔南
巫先後至。西烈入詔其官名用良與通事良殷南文旦皆
漳州人。乞省故里。詔許之。三年王巴刺武乞傘蓋蟒衣與
之。爪哇人黥面髡跣腥食啖蛇蟻虫蛆至與犬同卧噉不

穢也。生子一歲，佩之七首，名曰不刺頭。殺人者，逃匿踰三日，即不復抵罪。歲有竹鎗會，王令其妻坐塔干車，身六一車，隨後至會所。凡會者，各携其妻對列，執寔心竹鎗，交三合。各妻持三尺木棍格之，曰：那刺，或一不勝死，其勝者與一金錢。死者家而死者之妻隨勝者而去。如此以為戲。葬用水火太三法。唯死者之命之，或命犬死，隨至野，委屍于衆犬，必盡。遺則泣而投諸水，或婢妾願從火葬，並焚以殉之。其王蓬首冠金葉，胸紫纁，腰束錦，四夫之宮，重門磚墉，以居。藤蓆或花草席，而跣，跌其上，跣，乘象或牛，國人亦樓居，以芳草覆之。人腰短刀，女子椎髻，男婦皆護首，觸首即

拔刀相撞。罪無輕重。用藤繫輒刀之。市用中國古錢。量衡
倍中國書記。亦有字。無楮筆。用茭葦。以尖刀刺之。土人有
名無姓。其國四鄉富饒。有淡溢。閩粵西番人至。父賈長子
孫甚殷富。婦人每月望女。二三十人相挽。一歌衆和。名曰
步月。邊海一池。井淡可飲。曰聖水。相傳元時。史弼高興。征
伐閣婆。水盡。祝天。隨棟而得。其地有蘇盧馬益。產長尾猿
數萬中。一老牡主之。常扶一番。婦伴或婦人無子。携酒
果。禱老牡。老牡食之喜。則意令二猿與婦人交。婦輒有孕。
其俗坐卧無床榻。食無匙筋。以手撮入口。崇信佛教。佛書
言鬼國。即其國也。稻二熟。無麥。果有蟻。吉柿如橘。郎扱如

枇杷殊皆甜酸。蔗長二三丈，無莖。李、產蘇木、金剛子、句檀、
窟鉄、龜筒、玳瑁、及五色鸚哥、鷓鴣，皆能言。珍珠、鷄、與雀、白
鹿、白猿、無馴與鵝，所屬蘇吉丹人。訛為思吉港。東至海，水
勢漸低。女人國在焉。其王吉力石，嘗百餘歲，能預知吉凶。
逾東則尾閭所泄，非人世矣。王五色布纏首，跣足出從者
五百餘，各持鎗劍，帽如虎鹿牛象狀，不一。剪髮裸体，風俗
近爪哇。貿易處為饒洞，後為金後山。土人以一紙蔽下体，
而丁机宜地最狹，王出入騎象，以十月為歲。首酒禁甚嚴，
客至以扶留藤、檳榔代茗。其所界重迦羅國，高山奇秀，內
有一石洞，前後三門，可容一二萬人，無首長，以年高為善。

者主之。風俗頗淳。又牒里國。大洲上人。淳產薄。尚佛。少訟。目羅夏治。頗知種藝。奉佛寡盜。合猫里。即貓里務地。少知稼穡。俗近醇。舶人語曰。若要富。須往毛里務。永樂中。合貓遣使回。上道。奴馬高。碟里。遣馬哈木。打回。即板打。遣麻勿。日羅。遣文那打。時鎮咸。朝貢有網巾。礁老者。蕩舟為盜。海上往來甚駛。合猫里。嘗被掠。轉貧。而重迦羅之東。為吉里地。悶國。又名暹。悶。俗以立為尊。見王則坐地。合掌。連山茂林。皆檀香。無別產。有酋長。馬頭。商聚十二所。田肥。穀盛。朝熱暮寒。男女斷髮。短衫。商舶至。婦女出交易。染疾死。十七人。貨用金銀。鉄器。磁碗之屬。

論曰、國近三佛、大約以慈柔治。率孩子。乃亦有閩粵人
襍處之乎。

滿刺加國

暹魯

滿刺加國古哥羅富沙也亦名五峙故未稱國隸暹邏歲
輸金五千兩作貢在占城極南自占城南西行十月可到
為諸番之會無國王止有頭目永樂三年頭目西利八兒
速刺一日并遣使表貢願內附七年鄭和奉勅賜双臺銀
印冠帶袍服封為滿刺加國王并封其國之西山為鎮國
山御製碑文系之以詩曰西南巨海中國通輸天灌地億
載同洗日落月光景融兩岸露石草木濃金花寶鈿生青
紅有國于茲民俗雍王好善義思朝宗願比內郡依華風
出入導從張蓋幢儀文揚襲禮虔恭大書貞石表尔忠尔

國西山永鎮封。爾衆子孫萬福崇。自奉我正朔，始不隸暹。
邏自為國，氣候朝熱暮寒。田瘠穀薄，國人大率從回。七教
玉白番布縛首，衣青布花袍，躡皮履，乘肩輿。民俗男纏首
方布，下圍布帨，女椎結短衫，身釐黑，其白者華人產也。屋
高廠，以椰子劈片覆之，每懸四尺許，連床就榻，箕踞其上。
寢食厨廁皆不離此。飲茭葦酒，國語書記婚喪大類，爪哇
王居之前，有溪達海跨梁，列屋其上，百貨交易，唯此永樂
九年，嗣王拜里迷蘇刺率其妻子陪臣五百餘人朝貢，賚
賜甚厚。十二年，王子母幹撒干的兒沙來告父卒，詔嗣封
十七年，王亦思罕答兒沙嗣立，復率妻子來朝，言暹邏欲

攻之詔。暹與平王率子西哩麻哈刺嗣立。來朝。宣德九年。復至。正統中。王息力八密。息兀兒。垂八沙。乞賜敕書。景泰中。王率子無咎。佛哪少。請封。詔許之。天順中。傅子蘓丹。葉速沙。又傅子烏哈木沙。皆請封。成化十四年。給事中林榮。行人黃乾亨。出使還。況死。自是罷遣。正德十三年。國王換端媽木。為佛郎机。酋所逐。保陂隄。佛郎机據其地。滿刺加來訴。御史丘道隆。何鰲等。疏請驅絕。佛郎机王得復國。滿刺加人。所苦龍龜。高四尺。四足有鱗甲。露長牙。逢人即噬死。山有黑虎。視虎差小。或愛人形。入市殺人。有覺之者。集眾擒殺之。與佛機為三害。時以擒勒佛郎机。故併絕安。

南滿刺加諸番舶嘉靖八年請設市舶司。聽如旧。從之。其地亦頗有屍頭。蠻人以澳為業。剝木為舟。出海淘沙。取錫曰花錫。鎔成斗樣。通使交易。有打麻兒香。嘗以燃火塗舟縫。水不能入。其明淨如金珀。即所謂水珀也。名損都盧斯地。無駱馬。貢物有金母、鶴頂、白麂、黑猿、鎖服、黑小廝、蕃藍。錫。今其國竟為佛郎機所據。訛稱麻六甲。云自滿刺加舟行。四晝夜。到啞魯國。南依大山。北大海。西連蘇門答刺。東平衛。風俗土產。頗與爪哇。滿刺相似。國大率回七人。山有飛虎。灰色。有白翅。如蝙蝠。

論曰。封山銘有之。賜詩則與淳泥兩見耳。平暹羅禁佛。

郎造滿刺者屢矣。而麻六甲云何。正德中江西南城萬
安二縣人葉明舉等因事逃入滿刺。後乃通事。伴送進
貢番彝。專利殺其伴。為躍者所得。監瑾寔之。極刑。遂將
二縣出仕者。不許京職。并欲以此戒江西解額。尋不果。嗟
滿刺之殃。魚江右者如先。

佛郎機國

佛郎機國近滿刺加向不通中國正德三年其酋欲立遂入貢請封廣東守臣以其不列王會羈使以聞詔給方物遣歸使者留東莞劫行旅間掠食嬰孩廣人苦之至勒兵搜勦乃去久之有進貢使者曰亞三能通番漢語賄江彬薦之武宗從巡幸上嘗學其語為樂他日有事四疊館坐而見禮部主事梁焯怒杖之世宗初復絕不與通乃率其屬踈老利別都盧等千餘人破巴西國入寇廣東斬會縣指揮柯榮千戶王應恩截海禦之鹵別都盧踈老利等四十二人斬首三十五級餘賊復來應恩死之海道副使

汪鉉與戰大捷遂得其銳以獻自是番彝舶不市粵而潛
之漳州廣東督臣林富上言許市佛即機有四利詔許市
香山澳時佛即機併有滿刺加矣二十六年寇漳州私市
浯嶼守臣以兵禦之遁去四十四年有曩目啞喏喇婦氏
者浮海來貢初稱滿刺加國已稱蒲麗都家察南番無此
名謝絕之其人猫睛鷹嘴卷髮赤鬚而貌皆白貴者加冠
賤者頂笠見尊長撒去之以為敬服鎖伏西洋布瑣哈刺
最華繁信佛食魚為齋手持紅杖而行飲食不用匙筋富
者食麵貧與奴僕食米無媒妁男女詣佛前相配以僧為
証謂交印國有大故亦多與僧謀人死貯布囊以葬所畜

半入僧室、市僧互易、搨指節、示數累千金、不立文字、指天
為約、無敢負相會、則交捫心、誤捫首、勃然忿爭、嘉靖中、得
其蜈蚣、舶製并鏡法、汪錄後、為吏部尚書、北鹵入、請願佛
即機鏡于邊、如法制用、時頗賴之、相近有九州山產沉香、
黃熟香、永樂七年、鄭和入山、採香、得徑八九尺、長六七丈
者六株。

論曰、其器足以助兵、獨佛即機後、乃得紅夷製

呂宋國

附美洛翔
霧班隘

呂宋海中。小國也。與閩漳州近。產黃金。以故亦富。厚頗淳。無訟。洪武五年。同瓊里朝貢。永樂三年。遣使隔察老朝貢。後為佛郎機所襲。初。呂宋王兄弟二人。武而有信。佛郎機以其國為西番所會。從大西來自。稱干系臘國。願互市。上壽乞地。如牛皮。許大王許之。已而綴牛皮縱橫四圍。求地稱是。呂宋王頗難之。業已許。不得辭。佛郎機乃即其地。築城屋。列兵器。久之。殺王兄弟。逐呂宋民入山中。凡中國以其貨來者。皆主之。于是呂宋徒以其名矣。干系臘國使大前來鎮之。數歲則易一王。其地曰澗內者。中國人賈以數

萬名。屋冬間有削髮長子孫者。萬曆中佛郎機酋即雷氏
敝。裹系勝。以美洛居繁富。起兵用中國人為前鋒。一戰有
之。而強中國人為警備。中國人皆怨。潘利五者乃夜入酋
卧。刺殺酋。大載酋貨以歸。失水道。誤入交。七人掠之。獨郭
惟泰等三十餘人走免。酋子即雷貓各從翔霧往代酋。遺
僧至福建巡撫訟究。詔置惟泰等于理。三十二年天子採
金方內有妾男子張嶷上書。呂宋机易山有樹金豆自生。
可採也。天子下其書。遣海澄丞王時和與嶷往。佛郎機款
丞酒問丞金豆生何樹也。丞無以對。數日嶷為大言。大
地皆金。何必問。樹酋大笑。幾殺丞。七婦病悸死。嶷坐妄言。

伏誅首于是益虐侮中國人中國人頗怨望首乃令人盡
買中國人所有鉄值數倍中國人貪墮其計雖机剪灶釜
並以易金鉄盡而兵作無以抵戰見殺二萬餘人閩廣當
事略以聞詔呂宋無開事端而已尋中國人復商販其地
其屬藝有大港有南旺有玳瑁港有呂逢有磨老央有叭
率有屋當有翔霧佛即机破中國人翔霧與有力焉德之
與為婚媾諸率鹵使之其人敬天稱天曰寒民而沙瑤叻
啤七二國近界其俗椎結跣足耳垂大金鍊築版為城覆
茅為屋又有班隘者即蚊罩山七頭火光不斷亦名火山
奇險不可到人多扁頭赤身不受佛即机部署美洛居商

出盛威儀所部合掌伏道傍男祝髮女椎髻腦後既降佛
 即机得自為守繼和蘭搗其城曰若改事吾殊勝白頸以
 佛即頸及白故云美洛居立酋去于是佛即机復兵入誅
 所立酋攻殺逆酋長火乃分山北屬和蘭山南屬佛即机
 論曰自折入和蘭佛即机呂宋一鎮耳以其初從蠻里
 朝真存之

此州最盛於漢時其地無山外產財特二無得人國前當
 居中國人謂其地餘壽計中國人實盛其地無財也
 外皆直也最盛則則人乘國入能無首也

淳泥國

吉蘭且南巫里

淳泥國統州十四本羈事閩、漢前代不通中國宋太平興國中王向打始因商舶表貢元豐中亦貢其地炎熱多風兩板城銅甲王縮髮裸跣徒行上冒大布单名阮囊花帛繚腰所居若樓覆以貝多葉坐繩床其民剪髮覆額女人短衣蔽胸背亦花帛繚腰散髮跣習戰鬪鑄銅甲有藥塗体及食之創不死其俗多漁煮海為鹽瀝椰為酒無稻麥以十二月七日為歲節腥食魚蝦或食木實漿曰沙糊死殮棄山中二月始祀之祀七年即止燕樂鳴鼓擊鈸刻貝葉行書事佛謹洪武三年遣福建行首都事沈秩與監察

御史張敬之詔其國王馬合漢沙不省秩傳譯責之王懼起謝與國相王宗恕圖行上有日矣閻婆使人言曰我向實為王却蘇祿之侵王歸中國無我矣蘇祿再來其請救中國王猶豫秩大言宗恕曰即閻婆非中國臣耶而王耳下之王悟遣六思麻逸隨秩表貢八年詔淳泥山川之神附祭于福建山川位次永樂三年封其世子麻那惹加那乃為淳泥國王六年王率其妃及子弟妹等來朝王上金表獻珍物妃雙獻中宮東宮上宴王奉天門是年王卒會同館上輟朝三日賻贈有加工部具棺槨明器葬德安門外樹碑神道求西南彝籍中國者為守塚有司春秋少牢

祠謚曰恭順。命其子避旺襲王。護之還。其國故事。歲輸瓜
 哇片腦四十斤。上勅爪哇罷征。封其國之後山為長寧鎮。
 國山系詩碑文之後。有於萬斯年。仰我大明之句。避旺還
 國。遣其叔父慶的哩哈盈等百八十人貢謝。洪熙中復至。
 萬曆中王卒。爭立相殘殺。且盡國人。立王女為王。其屬國
 吉蘭丹今稱大泥。亦隸暹羅。淳泥貢物有寶珠梅花龍腦。
 生玳瑁黑小廝倒掛鳥。產鶴頂貝。吉西國米。荇藤。其屬國
 吉蘭丹外。又有南巫里。自蘇門答刺。三晝夜可至。俗朴少
 穀。食魚蝦。市用銅錢。王居類樓。甚嚴潔。西北洋有帽山。土
 名沒那黎。耆舶以為指南。山下淺水生有珊瑚。高二三尺。

卷之三

卷之三

卷之三

三佛齊國

龍牙門百花
東西天竺

三佛齊即伯港古牙陀利又曰淳淋羈事爪哇者也東距
爪哇八晝夜可至西距滿刺加通番者先至淡巷乃入有地
十五州其屬有單馬令凌牙斯蓬豐登牙儂細蘭諸國
主有號曰詹卑遂傳詹卑國其人多蒲姓扼諸番咽喉商
舶不入其境者輒出舟與戰以故其地為商舶湊土沃宜
稼人好賭博如把龜奕棋閉鷄皆索錢具也習水戰服藥
又不能傷遇敵敢死鄰國畏之土窄民繁將領居陸其下
率浮筏架屋其上便近徙市用錢布字用梵書洪武二年
行人趙正使其國王馬哈刺札八刺卜遣使的力馬罕亦

里麻思朝貢。賜明曆。上諭廷臣曰：海外諸國，不為中國患者，不得輒以兵加之。古人有言：地廣非久安之計，民勞乃易亂之源。識之。王卒，恒麻來沙那阿嗣，亦來貢。八年，使從我招諭拂菻。九年，王卒，麻那者巫里乞封，賜三佛齊國王印。而使者為爪哇所要殺，久之，三佛齊以他故，紹我使羈留焉。于是番商不通。永樂中，為爪哇所兼併，國廢。更置小酋，市易曰：舊港有南海人梁道明者，葉知里往居之，闡廣之。從為商者數千，推道明為酋長，而施進卿副之。三年，指揮孫鉉使諸番，以道明聞。上招歸，厚賜之，而進卿獨為制。廣人陳祖義者，故有罪，亡入其國，以之亦得衆，與進卿爭。

長上使中官鄭和下番進卿以告上使招之祖義詐降而

潛謀邀劫和勒兵與戰殺其党五千餘人俘祖義京師伏

法進卿遣其僭彥誠貢謝詔設舊港宣慰使司命進卿填

之二十一年進卿卒女施二姐襲其職已而子濟孫奏襲

許之其地相傳云一年種穀三年生金言穀熟多也鶴頂

鳥大于鴨脰長腦骨厚寸餘火鷄大於鶴毛如青羊色食

火炭爪傷人腹死神鹿大如猪短毛猪喙蹄亦如之有犀

牛黑熊紅綠鸚鵡白龜筒黑熊白獺又產猫睛石脰胸臍

薔薇水龍腦諸香脰胸臍魚類豕首兩足其臍紅紫色上

有紫斑置睡犬傍驚跳若狂及苾布兜羅綿被龍牙門在

三佛齊西北山門相對、若龍牙狀、常以小舟百數迎初番
船、與龍牙相望、為東西竺山形相對、嵯峨若蓬萊方丈之
間、而舊屬百花國、即宋史輦注地、天氣常燠如春、多產奇
花、故名、民俗饒富、尚釋教、

論曰、商舶倭繁、華異諸國、永樂中、設舊港宣慰使司、是
版其地也、名耳、或欲以權貨、

此年十一月、
味、
番、
舟、

文郎馬神國

文郎馬神國。一曰文浪。或云馬文淵。常遣兵十餘。號馬流傳。世故以名。以木為城。居民築室。風俗大類三佛齊。五色布纏首。腹背多裸。初以蕉盛食。後用華人磁器。人死貯甕。以葬。王出乘象。或乘舟。以誘女。從甚都。華人與其女通。輒削其髮。留妻之。不聽。婦也。女畜髮苦短。華人詭云。中國水可令髮長。率就舟市水。產鶴頂。葑藤。山深處有村。烏籠里。彈其人。盡生尾如獸。逢人羞溢。輒掩面。地饒沙金。彝人携貨列地。竟去。鬻之者。置金貨側。價有定。不欺。亦竟去。論曰。生尾如獸。非人也。而不知金貨。

天竺國

天竺一名身毒、南天竺瀕海、北天竺距雪山、東天竺亦際海、與扶南林邑接、西天竺與罽賓波斯接、中天竺居其會、並直葱嶺南、有別國數十、王曰舍衛、漢明帝時遣人問佛法、其教始入中國、歷有表貢、隋煬帝銳通西域、唯天竺拂菻不至、唐武德中、王尸羅逸多討四天竺、皆臣之、貞觀中、遣使獻火珠、鬱金香、提樹、自稱摩伽陀王、開元時獻五色能言鳥、周廣順中、西天竺僧薩滿多等十六族來貢、馬有僧道圓、自天竺還、獻佛舍利一、貝葉梵經四十夾、云在途十年、住五印度六年、五印度即天竺也、開寶八年、東印度

王子穰結說囉朝貢、尋有王子曼殊室利、隨中國僧館相
國寺善持律、雍熙中、胡僧密坦羅奉北印度王及金剛坐
王那爛陀書來、天聖二年、西印度僧獻梵經、賜紫方袍、大
畧其國土沃民淳、宗瞿曇學、置天王為惺、法王與大臣
服錦罽、頂為螺髻、前餘髮下垂、男子髻首、穿耳懸璫、跣足、
服色尚白、製同袈裟、致詞以砥足摩踵、展敬、天文星律、
產火齊如雲母、裂之薄如蟬翼、積之如沙穀、重階恒水源
出崑崙、甘美、下有真塩、色正白、天竺僧渡海、歷三年、達濠
鏡、即香山澳也。

論曰其為書文理頗精、遂與儒為敵。

拂菻國

八百媳婦

拂菻唐書以為漢大秦國也。一名犁鞞。去嘉峪關萬餘里。漢時以安息遮闌不得達。恒帝時始一通貢。晉唐宋間來朝貢。洪武四年遣其國故民捏古倫齋詔諭之。尋遣使朝貢。其地上屋無瓦。貴臣如玉服不尚。靴閑懸大金秤。以金凡十二定日時。每時至輒一丸墜。市用金銀錢。絕私鑄。面有彌勒佛相。勒王名于錢陰。無刑罰。罪重者。盛以毛囊投諸海。或云國西有弱水。近西王母所居。隨有八百媳婦國。建文二年八百媳婦入貢。論曰。最西律精。金九定時。猶以十二云。

忽魯謨斯國

即忽魯
母思

忽魯謨斯一曰忽魯母思自古俚舟西北二十五日可至番賈咸

集永樂三年國王巴即丁遣使馬刺足朝貢七年復貢十

八年進麒麟獅子天馬文豹紫象駝鳴福鹿羚羊長角馬

哈獸五色鸚鵡等物羚羊尾大者重三十餘斤兩則以車

載其尾而行馬哈獸角長過身上喜命侍臣為賦以紀之

又一獸名卓上飛番名雅禍夫等猫大身如玳瑁斑兩耳

尖黑性醇不恐獅豹等見之伏地戰甚其國石城石屋民

富饒佞佛常歌舞惡殺俗醇厚尚回教日五禮佛有貧

者衆衣食之人率清白豐偉衣冠濟楚娶妻必受命子的

的親的。親掌教門規矩之官也。否坐罪人死。水灌頂洗之。以異香薰口鼻。營石郭封之。國法飲酒者棄市。有羊上高竿戲。設三木。頂可容羊四足。先行拍手念誦。羊若解者。踏木頂。又縱一頂。三木立。羊跨二木。騰擲百變。已立中木。上倒輒蹲。人手中似死。卧地呼舒。足前後。輒應不爽。咫尺。又黑猴搬演故事。畢或帽其眼。擊其頭。即千百人中。必得擊之者。異甚。田瘠宜麥。無草木。牛羊駝馬盡食。魚腊產把。明果。松子長寸許。萬年棗。有門羊與人聞彩。文武匠。上技藝之人。勝他國。上有山。四面異色。一面產鹽。如紅。磬鑿為盤。匠以貯食物。不加鹽矣。三面出土。色紅白黃。可以彩畫。

頭目守之。男子卷髮長衫。善騎射。女子編髮四垂。黃漆其頂。兩耳輪周掛絡索。以青石磨水粒點眼。睚唇臉。耳花紋。以為美飾。頂掛寶石珍珠珊瑚。紉為纓絡。脰臂皆釧。塵青紅黃。推姑刺担把碧祖母刺猫睛金銅鑽珍珠如龍眼大珊瑚金珀神珀臘珀黑珀神珠珀珠各色美玉及鎖袂撒哈喇模羅遠紗羅錦剪絨花串等物。銀錢名那底兒書記用回字。

論曰。的。親。能。規。矩。中。國。乎。

彭亨國

附柔佛

彭亨亦曰彭坑在暹羅之西石崖周匝遠望則平田沃豐
禾穀氣候常溫木城廣數里風俗尚恠刺香木為人殺人
血祭禱求福禳災男女椎結繫單裙富家女子金圈四五
飾于頂髮常人則以五色燒珠為之上下親狎無盜賊尊
佛洪武十一年國王麻哈刺惹答旣遣使表貢七物有番
奴及金水罐產片腦諸香花錫永樂十二年再遣其臣蕪
麻固門的里來貢萬曆中其國有柔佛之事柔佛彭亨鄰
國也一名烏丁礁林王每服帶双刀諸酋望見棄刀和南
序立刺菱葦為字歲首以四月時有副王者送子就彭亨

王女為婚。彭亨王宴之。而在座彭亨王妹偕婆羅王子者。手指繫珠甚美。副王心欲之。許重賞以易。婆羅王子不與。副王恚。猝起兵襲彭亨。王與王子奔金山。王妃淳泥王之妹也。率眾來援。副王掠而去。是時彭亨國中鬼哭三日。彭亨隨妃至淳泥。令長子攝國。其次子殺兄。尋弑父自立。論曰。繫珠以美為尊。國安危以之矣。

本朝... 淳泥... 金山... 鬼哭... 三日... 彭亨... 隨妃... 長子... 攝國... 其次... 子殺... 兄尋... 弑父... 自立... 論曰... 繫珠... 以美... 為尊... 國安... 危以... 之矣。

古俚國

木瓜坎茂
巴班卒

古俚一曰古里係西洋大國諸番之會自柯枝西北行三日可至東通坎巴美國北接狼奴兒地面永樂元年國王馬那必加刺滿遣使朝貢三年王沙米的復貢予勅封古俚國王五年遣太監鄭和賜王誥幣銀印立石其國題云去中國十萬餘里民物熙皞大同風俗刻石于茲永樂萬世二十一年西洋十二國遣使千二百人貢方物古俚為最國人五等回上南昆哲地草令木瓜襍處王係南昆人崇信佛教尊敬象牛相傳昔有真人某崇立教化人後他往令其弟撒沒嚙推教弟矯妄鑄一金牛誣稱牛常糞金

于是愛金而忘道。某等還罪其弟。七騎象去不返。于是思象與牛不置。輒尊敬之。俗養牛止食其乳酪。老而死埋諸地。佛殿以銅瓦蓋。以銅鑄佛像。佛座之傍有井。王七日晨詣殿。汲水浴佛。禮訖令人取牛糞塗擦佛身。又煨牛糞成白灰。為囊佩之。晨起調水自塗其額。并兩股間各三次。為禮佛之誠。與柯枝相同。云王有將領二。係回上人。不食猪。凡國事皆決于二將領。王老不傳子。傳外孫。以女所生為嫡。傳無甥。傳之于弟。無弟。傳國之好善者。俗尚信義。行者讓路。道不拾遺。海濱為市。通諸蕃。用金錢名吧南。銀錢名搭兒。以葫蘆為樂器。絃銅絲為絃。歌聲相應。刑無鞭笞。

以灰畫地為令。輕斷手足。重誅戮。沒產。夷其族。又或疑獄。用滾油。燂右手二指。其內移時。灼爛。即屈否如故。土宜麥。多馬。男子長衫。頭纏白布。女子髮推腦後。衫短。圍腰色布。兩耳懸金牌。線索數枚。項掛纓絡。垂真珠寶石。珊瑚其上。腕與胫皆釧。足指亦套戒圈。而木爪人。裸体不衣。與柯枝同。行術亦解彈唱。以胡芦殼為樂器。紅銅絲為弦。頭斗。若其互市。算法精捷。以兩手兩脚共二十指。打算不爽。緣泰。苗商襟貨。則頭目哲地。于眾手中拍一掌。萬不更價。有西洋布名。摺黎。卒出隣國。坎夷巴匹。濶四尺五寸。而哲地出珍寶等貨。貢物有琉璃瓶。椀。珊瑚珠。佛頭。双刃刀。番花人。

物象物、手巾、或貢金絲寶帶、金絲細于髮、結花綬、八寶珍珠、鴉鶻石于上、又班卒國俗、質產薄、男女被短髮、假錦纏頭、永樂三年、遣馬的來朝貢。

論曰、自古俚迤近、真民物熙皞、中國不若。

此處為模糊之文字，內容難以辨識，可能為另一段論述或詩文。

榜葛刺國

附詔納
福見

榜葛刺國古忻都州府西天印度國也。印度五國榜葛刺為東印度。一云西印度西通金剛寶座國。曰詔納福見為釋迦得道之所。自蘇門答刺西北舟行二十晝夜可至。或云浙地淹易小舟五百里至鎖搭兒港。陸西南行三十五站至其國。永樂六年國王霽牙思丁遣使朝貢。九年復至。王孛子賽弗丁嗣。遣中使侯顯詔之。正統中再遣把一濟等獻麒麟。禮部尚書胡濙請表賀。從之。凡詔使至其國王遣部領人馬千數先迎。察地港再迎。瑣納兒港至板獨哇為酋長居處。城郭甚嚴。聚貨百有。王之舍三重九楹。柱皆銅裹。

鏤琢花獸。左右甲隊明晃。丹墀孔雀翎蓋百數。象隊分侍。王正殿高座。剋嵌八寶。箕踞其上。劍橫于膝。有銀柱杖者二人。纏頭前導。五步一呼。至中則止。又金拄杖者二人。導如前。王拜迎。詔勅叩頭加額。鋪絨毯于殿地。款晏甚厚。但禁不飲酒。以蕃薇露和香蜜水飲之。宴畢。上金盃金繫腰。金盃金瓶為壽。副使則俱以銀。其奉貢用金筒金葉表文。蓋此國富而有禮者也。其國地廣人稠。風俗淳厚。王及諸官皆回人。男祝髮白布纏首。圓領長衣。冒至下体束絲。悅躡皮履。貌黧黑。間有一白者。國語皆猶榜葛里。市用銀錢。海貝錢曰倘。加貳曰老黎。氣候常熱如夏。賦十二刑。有

筭杖徒流官有品、及印信行移、軍有糧、營事頭目、名把斯
刺兒、陰陽、醫卜、百工、技藝、大類中國、常人黑白花衫、縵
以硝子珠、貫珊瑚、琥珀、佩之、繫臂硝子珠、錫釧、行術、侑飲
者、動樂、口唱、番歌、舞、亦有解數、又名根肖、速魯、柰者、蓋優
人、也能作百戲、或鐵索繫虎、行市、入人家、解索、坐虎于庭、
虎、馴、不、去、裸、而、搏、虎、怒、交、搏、仆、虎、數、回、乃、已、或、手、探、虎
猴、虎、不、為、傷、人、爭、以、肉、啖、虎、亦、勞、戲、者、以、十、二、月、為、歲、無
閏、一、歲、二、契、凡、交、易、雖、萬、金、打、手、而、定、女、不、施、脂、粉、自、然
嬌、白、耳、垂、寶、鈿、頂、掛、纓、絡、髻、推、腦、後、脛、腕、金、錫、手、足、皆、上
指、戒、其、有、一、種、名、印、度、不、食、牛、肉、飲、食、男、女、不、同、處、夫、死

不再嫁。妻死不再娶。或無倚。一村人爭傳養之。不令越村。惡無義也。有布數種。凡為卑泊。為滿者提。為沙納。乞付。為折白。勃荅黎。為妙。榻兒。為兜羅錦。背面皆起。荊頭。厚四五分。番名。鷲里。鷲勒。有白紙。亦是樹皮所造。膩滑光潤如鹿皮。椰荑為酒。檳榔當茶。器有髹漆杯盤。鑲鐵鎗剪。詔納福兒。永樂十八年。王亦不刺金。數侵榜。芎刺國。遣使勅諭之。論曰。國人富而有禮。惡無義足矣。

錫蘭國

錫蘭國古狼牙須也與柯枝對峙以別羅里為界占城極西可望見焉自帽山西北行三日有翠藍山極高番語謂高山為錫蘭云又名拔葛壘山又出邠塢七人穴居男女皆裸不粒食上芭蕉子波羅蜜及鰕魚之類山頂產紅雅姑青雅姑黃雅姑青米藍石昔刺泥蜜沒藍等一切寶石甚兩流下仕採之又西行十日至佛堂山海畔石有巨武跡長三尺云足釋迦足跡下有卧佛寺佛榻寶飾極華麗稱為釋迦涅槃真身側卧于地尚有佛牙及活舍利子在寢處可觀入西北陸行五十里至王居王世瓊渾人尚釋

拜直舒手足、胸腹貼地為敬、王居之側、有高山石陷足跡、深二尺、長八尺餘、稱人祖阿耨、即盤古氏遺趾也、重象牛為金、殺牛者死、旦必調牛糞塗地、以禮佛、亦煨牛糞為灰、塗額及體、地廣人稠、氣候常熱、大率上裸下纏、悅加壓腰、去鬚及遍體毫毛、留髮、父母喪、即并不去、以為孝、布纏之、火親屍埋骨、聚諸婦拍乳而號、女椎髻于後、下蒙白布、飲食不令人見、以金為錢、通用、海中浮沙一片、有光閃、射日、王令其處網螺蚌入珠池、二三年淘取、有稅、土宜稻、不宜麥、市用金錢、永樂初、國王亟裂苦奈兒、數要劫往來、使者諸蕃苦之、七年、鄭和偕行人、諸蕃至其國、王侮之、欲加

害和覺疾去。及還復過王。王誘和至國中。令其子納言索
寶貨。不與。潛發兵五萬餘。出劫和。且斷歸路。和出不意。間
道竟搗王城。破之。俘王及家屬諸頭目。歸。詔釋王。不死。其
屬舉耶巴乃那賢。賈詔往封。并送故王婦。未至而國人已
立。不刺葛麻巴思刺查為王。詔使遜位。十四年。偕占城爪
哇表貢。正統十年。遣耶巴刺謨的里。咂表貢。天順三年。王
葛力生。夏刺悉利把交刺惹。復遣使表貢。上物有珊瑚。硫
黃。藤。竭。椀石。

論曰。鄭和入洋。止困一錫蘭。

柯枝國

柯枝古槃上海上國也一名阿枝自小葛蘭山西北行一
晝夜可至洪武中來貢永樂二年王亦可里遣其臣完者
咨兒來貢十五年封為柯枝國王賜印誥并封其國中山
為鎮國山給碑文而系之以銘曰截彼南山吐烟出雲
為下國洪龐時其雨賜肅其煩歌作彼農禮庇于斯民靡
留靡沴不若不逢海深山蘄勒此銘詩相為始終王瑣俚
人也首纏黃白布上不衣下紫絲帔束絲壓腰綴椰葉苦
屋國人五種曰南昆與王同類最貴祝髮線緣頸次曰
人次富有財者曰哲地次牙僧曰草令又次最賤曰木爪

木爪濱海而居業。漁樵居簷不得過三尺衣上不過臍下。不過膝或裸遮以草。途遇南昆哲地即伏候過乃起。王尚浮屠敬象牛。建寺範金為佛。每旦鳴鐘鼓佛傍有井。輒汲泉灌佛頂。數流水溝。泉去已乃禮之。有曰濁肌者。蓋優婆塞道人。也。亦有妻不離胎髮。縷不櫛。分辦垂後。煨牛糞為灰塗。倅腰束指大黃藤。行吹大螺為樂。妻隨之乞錢。氣候常熱。自二三月至八月常雨。所謂半年晴者。此國也。市用金銀錢。銀錢十五當金錢一。金錢名吧喃。銀錢曰答兒。或珠重三分五厘者。值金錢一千八百枚。抵銀一百兩。

論曰滿刺淳泥而外柯枝亦與銘。

祖法兒國

祖一曰佐法兒國、漢之大夏、隋唐之吐火羅咸、皆其地也。東南皆海、西北重山、自古徠西北十晝夜可至。永樂中、王亞里遣人朝貢、宣德中復至。其地氣候常秋、壘石為城、砌羅股石為屋、地不生草木、尚回上教。王白布纏首、衣青花綵帔、或金錦袍靴履、出乘轎跨馬、前後列象、駝吹簞簾、男女拳髮、女人以布兜頭、不令人見。凡禮拜佛寺沐浴、衣燃諸香、又塗薔薇露、遍體乃往。市用金錢、上文人形名、倘伽、又銅鑄小錢、零用有駝鷄如鶴、脚高三尺、二趾、毛如駱駝、走如之、亦產祖刺法、鶴頂福鹿片腦、諸藥、駝單峯、或双峯、乳

阿丹國

附阿

阿丹國瀕海，自古徂向西，二十二晝夜可至。壘石為城，砌羅股石為屋，三四層，厨卧皆其上。土饒給，有馬步勝兵數千人。隣國畏之。永樂九年，詔鄭和賜命互市，常採得猫睛石重二錢許，各色雅姑等宝，大顆珍珠，珊瑚高二尺外，金珀，薔薇露，麒麟獅子花，猫鹿金錢豹白鳩等物。十九年，太監李奉勅賜王衣冠，王行礼甚恭。金冠黃袍，寶粧金帶，禮畢，換白番布纏頭，上加金錦之頂，服白袍，坐車，列隊而行。其頭目冠服等第不同。國人纏頭，穿撒嗒喇，梭幅壽衣，足着靴鞋。婦人長衣，頂佩寶石纓絡，耳環四對，加臂釧指環。

飾用金寶工最精巧過中國市肆備諸物亦有書籍王用赤金錢名甫嚙嚙又紅銅錢名甫斯氣候常溫以十二月為歲無閏以新月為候其陰陽亦能推算日蝕及風雨潮汐產羚羊自胸至尾垂九塊名九尾羊又棉羊無角尾大如盤福鹿如騾白身白面駝鴉麒麟前二足高九尺後足高六尺頸長一丈六尺二短角生耳後牛尾鹿身蹄有三跖匾口食粟豆麩獅子身形似虎黑黃無斑頭大口濶尾尖毛多黑長如纒聲吼如雷諸獸見之伏不敢動果有萬年棗把擔乾無猪鷺嘉靖時郊壇購紅黃玉通事撒文秀言阿丹有兩山對峙自為雌雄或時自鳴常產此二玉不

果購。又阿哇國永樂中王昌古刺常遠朝貢。
論曰紅黃玉必山鳴得之郊壇何必以坎。

娑羅國

娑羅國一曰婆羅又曰文萊或曰古師子國東洋之盡西洋所自起也國有東西二王永樂四年各遣使勿黎哥等朝貢其國負山面海而謹佛教素食善施民食猪死初有閩人隨鄭和至其國寄以為其王其府旁有中國碑永樂中賜以金印凡國人嫁娶必請印印比背上無印不榮嘗為佛郎機所侵走入山谷中置毒水源流出飲輒死佛郎機以是解兵奔呂宋之其化貢物有珍珠玳瑁殼焦布香蠟黑小斲王祝髮裹金繡巾腰双劍步行其親屬號邦奇蘭嚴重亞于王故有木城石城各一今止存木城產碑磔蒜蓀延

阿魯國

淡洋
肥米香

阿魯國一曰魯國西南海中自滿刺加四晝夜可至西連蘇門答刺界土廣人稀物產亦薄婚嫁稍與爪哇同永樂五年王速魯唐忽先遣滿刺哈三附古俚諸國來朝貢國王率是回土人產有飛虎如貓大色灰有肉翅如蝙蝠飛不甚遠不傷人男女裸体圍梢布乘獨木舟入海捕魚入山採米腦香物為生地產鶴頂片米糖腦以售商舶近有淡洋海船過其每汲之又有肥米香俗淳男女推結圍梢布論曰回土人散王諸國亦奇

韓白... 韓白... 韓白...

... 韓白... 韓白... 韓白...

... 韓白... 韓白... 韓白...

... 韓白... 韓白... 韓白...

... 韓白... 韓白... 韓白...

... 韓白... 韓白... 韓白...

... 韓白... 韓白... 韓白...

... 韓白... 韓白... 韓白...

阿魯... 阿魯... 阿魯...

大葛蘭國

小葛蘭

大葛蘭國與都欄樵近民懶耕賴烏爹之米為食番舶為風所阻不以時至過巫里洋則更險矣風俗淳厚男女纏頭穿單布長衫圍色帨而小葛蘭山連赤土與柯枝接壤西洋之會也自錫蘭山別那里西北行六晝夜可至田瘠少收歲藉榜葛刺米為食氣候常熱男女多回匕喃吡人市用金錢大者名儂伽小者名吧喃永樂中匕官鄭和至其國附蘇門答刺入貢其王鎖里人俗尚浮屠重象牛飯和酥酪婚喪頗類錫蘭

論曰其柯枝錫蘭之餘欵

卜刺哇國

木骨都刺
竹步刺撒

卜刺哇國壘石為城。甃石為屋。永樂中遣使朝貢。地斥鹵有鹽池。投枝于池起輒凝。其人拳髮圍布。捕魚為業。婦女兩耳帶金錢。項掛纓絡。產馬哈獸。狀如麕獐。花福鹿。狀如花駝。而木骨都刺國與相接。瀕海城屋亦俱石壘。男子拳髮四垂。圍梢布。女人髮盤于腦。黃漆光頂。耳掛絡索數枚。項帶銀圈。纓絡垂胸。出則單布兜遮。青紗蔽面。足履皮鞋。其地或數年無雨。穿井甚深。絞車以羊皮袋水。風俗囂頑。操兵習射。首長効禮。進貢方物。又竹步國與木骨都刺地連。風俗相似。產駝蹄鳴。高六七尺。又刺撒國風俗亦相似。

假馬里丁國

麻逸凍龍
牙加貌

假馬里丁國與交欄山相望。海洋中氣候常熱。俗置薄。採
芭蕉以代糧。煮海為鹽。釀麴為酒。地產玳瑁、羚羊。而交欄
山最高。叢林藤竹。元高興史弼以兵征閩婆。遇風山下。船
壞。復登此山。造船得勝。至今有中國人雜處。蓋此時病率
百餘。留不得歸也。地少米穀。以射獵為業。又麻逸凍。在交
欄之西。地腴尚節。義夫死。削髮。勞而絕食。七日。或不死。稍
勸以飲食。得甦。焚夫日。往。赴火。死。終身不嫁。自麻逸凍
順風。三晝夜。至龍牙加貌。田禾勤熟。俗尚敦厚。男女椎結
圍布。重親長。

蕯祿國

蕯祿

一名蕯國

東南海中與淳泥瑣里相近人鮮粒食上魚

蝦螺蛤短髮纏皂綬煮海為鹽釀蔗為酒織竹為布氣候

常熱永樂十五年其權東國者曰巴都葛叭荅刺權西國

者曰麻哈刺吒葛刺麻下

或云巴都葛叭里又構蕯祿峒者之妻

曰叭都葛巴刺卜各率其屬頭目三百餘人表貢封三人

為蕯祿東王西王峒王所以賜予良厚歸次德州東王病

卒命塋以王禮謚曰恭定為文碑之留其妃妾僮從十人

守墳畢三年而後返勅其子都麻合為東王十九年都麻

合來朝獻巨珠一顆重七兩五錢蓋其國有珠池云入夜

古麻刺國

城層

古麻刺國、東南海中、統百餘州、佛宇四千餘、向未通中國、永樂十八年、國王幹刺義亦敦奔、一云哇率其妻子、陪臣來朝、予勅封王、歸次福州病卒、賜謚康靖、勅葬閩縣、有司歲祀、其南有層坡國、其人大食種、纏布、鱗皮鞋、產牙生金、

勿斯里

勿斯里國、所轄州十六、村落三百六十、每村供國用一日、王白暫着衫、出入乘馬、儀從甚都、導馬三百匹、肅十頭、縻以鉄索、臂鷹扶劍、以從、有大塔高二百丈、國有兵據塔上、以距、或云其國百年不一雨、有天江水極其常溢、上過也

之江上有鏡。它國盜來。輒先炤之。治戰具。

木蘭皮

打回咭哈

木蘭皮國。西海中。其舟容萬人。酒肆果園俱備。物產亦異。粒長三寸。爪圓六尺。胡羊高數尺。春割腹取脂。縫合仍活。秋風忽起。人獸急就水飲。稍遲渴死。又打回咭哈。順哈皆海外小國。打回永樂三年。遣使朝貢。咭哈纏首長衫。不食豕肉。食以手攬。不通朝貢。附舶香山澳。順哈人醜而黑。婚媾意合則從。

巴刺西

巴刺西國在南海甚遠。正德辛未遣使臣沙他白入貢言

領其王命在洋舶凡四年至西瀾舶壞以脚艇飄風八日
至吉零國又往所為秘得地陸行二十六日乃至暹羅附
番人柰林船入廣其所貢木匣六內金葉表又祖母綠一
塊珊瑚樹四株玻璃瓊瓶各四及瑪瑙珠胡里丹

急蘭丹

王會諸國

急蘭丹國與奇刺泥國夏刺比國窟察泥國烏涉刺踢國
魯密國彭加那國捨刺齊國八可意國坎巴夷替國喃勃
利國千里達國沙里灣泥國以上共十三國皆海外小國
不詳風土永樂中皆遣使朝貢

溜山國

暎幹

國、自蘇門答刺過小帽山、西南十日可至、在西海中
如洲、有石城門、如城闕、人皆巢居穴處、以草木葉蔽前後
不識菽粟、啖魚蝦、有八村稍大、皆以溜名、為沙、為八、不知
為起泉、為麻里奇、為加半年、為加加、為安都里、為官瑞、共
八溜、可通舟楫、餘小溜無慮三千、土人曰、此弱水三千也。
失船入溜溺矣。山傍有牒幹國、皆回土人、業渙種椰、氣候
常熱、市用銀錢、產龍涎、織絲帔、甚精緻、永樂中、王亦速福
遣使朝貢。

其巴里

其把里未審
即其巴里否

其巴里國、南海中大島上、永樂十三年、國王堯哇刺查遣

使得名公葛七朝貢其人粒食亦鮮食多綿繡甘把里國西南海中永樂間遣六人來朝自言國小產薄不通交易奉佛不求積聚然無丐者

加異勒國

加異勒國西戎小種居人寡少不及十家窶而傭鄰國永樂中王者麻里奈那遣使別里呆不來朝貢宣德正統時一再至

麻菴國

麻菴國未詳所在永樂十二年遣使朝貢進麒麟文馬神鹿禮部尚書呂震請表賀上不許

黑葛達國

甸音

黑葛達國小民貧地平衍尚佛畏刑市用銀錢宣德中遣使十人朝貢又有白葛達海中小國風尚與黑葛達同宣德中國王遣和者里一思朝貢

西洋瑣里

瑣里

西洋瑣里其地近瑣里差大兩國物產甚微風俗頗類洪武三年西洋瑣里王別里提以金葉表文貢方物五年瑣里國王卜納的遣撒馬牙茶嘉兒幹的亦刺丹八兒奉金字表朝貢圖上其土地山川賜大統曆金幣永樂元年兩國復遣人朝貢二十一年西洋十六國遣使千二百人貢

方物而西洋瑣里貢獨豐美

敏真誠國

敏真誠國亦大多高山流水縹木為渡日中為市諸賈皆集永樂中王遣四千人來朝貢

八荅黑商國

八荅黑商永樂間遣四十人來貢方物織皮絨罽香木其國山川明秀人俗朴寔好佛法西洋西域皆商販於此

火刺札國

火刺札國微人弱物產涼薄山鮮草木水無魚蝦城僅里許土屋板屋重佛教僧永樂十四年嘗遣人朝貢

討來思

在海上 不百里城近山上有水赤色望之

如火俗尚佛婦人主家事土宜麥稌無稻穀宣德六年嘗

遣人朝貢

八答吃力麻兒國並四十八人來貢 亦非蠻貊也

吃力麻兒永樂中遣使十一人來朝貢方物惟獸皮鳥羽

屬福之類其俗不事耕農喜射獵林多猛獸毒蟲

失刺思國在高山 亦非蠻貊也

失刺思永樂中遣使朝貢時以內綺幣磁器市馬於迤西

及其國宣德中遣使十人來朝貢

及宣德中遣使十人來朝貢

納失者罕國

納失者罕、東去失刺思、但舟行數程、產馬數種、最小者高不逾三尺、敬佛健聞、不勝者衆共嗤之、永樂中、遣使十人朝貢。

亦思把罕國

亦思把罕、於西南海中為大國、廣袤千里、王居壯麗、物產豐厚、風俗質朴、尚佛畏刑、有珠珀、無稻黍、日食惟糝麥、永樂中、遣四十四人來朝貢。

賓童龍

國

賓童龍國與

連接、宋為賓、龍國有雙澗水、澄

即此地也。目所居遺址尚存。人

物風土草

木氣淡與

占城大同小異。惟喪死有服。婚姻偶

合首長出

入東象

或馬執者鑽唱曰亞曰僕。地產枳楠香

象牙小良編

茅而

居

覽邦國

覽邦漢踈勒國也。去西域遠甚。好佛無賈販市用錢地多沙磧產麻若麥而已。其山波陀其水淺濁有駝馬牛羊。洪武九年國王昔里馬哈刺札的刺札遣使朝貢。永樂宣德中附鄰國表貢方物。或曰其國好食人。故港口無維纜者。

淡巴國

淡巴古狼牙修國在西南海中、洪武十年、國王滿喝思羅、遣使奉貢、其國風景秀贍、土衍水清、石城而瓦屋、王與其臣出入、乘從具威儀、耕織勤生事、市有交易、野無盜寇、樂土也。貢物苾布、兜羅錦被、沉香、諸香、胡椒。

白松虎兒國

白松虎兒、舊名速麻里兒、偶有白虎出松林、遇人不傷、忽不見、以為神。由改國號為白松虎兒、永樂中、遣使十六人來朝貢。

阿速

阿速、近天方、插員甚廣、多撒馬兒罕、皆人、敬佛畏

男情類

鬼好施惡用。人無飢寒。

夜無寇盜。永樂中，遣百十二人來

朝貢。

沙哈魯

沙哈魯在阿

達西

南海島中，城居瓦屋。

富月富

利，人民淳

直，耻聞好佛。永樂中，遣七十七人來朝。

論曰：自古麻刺以往，二十五國漸微矣。而率數萬里觀

光，不擇細流，事小之禮有然歟。

此已古史不列國也。西漢中絕，度十平阻，王德伊豆斯

按海昌備志罪惟錄一百二十卷查繼佐撰繼
佐字伊璜號與齋又號左尹自號東山釣史崇
禎癸酉舉人浙東授職方主事後不復出晚闢
敬脩堂於杭之鐵冶嶺著書其中學者稱敬脩
先生今作左尹字非人實名與字之度詞也是本
爲先生手藁凡本紀二十二卷志三十二卷附錄不
分卷列傳三十五卷內子卷六又卷二十一數複實
九十六卷致命諸臣僅標卷十四上哀集至數鉅
冊且各目間有缺總論者蓋多脫簡然蓋以附錄
去一百二十之數相差無幾矣是書纂述之勤及

宗自之所在具詳自序中先生當時幾罹莊氏史
獄故是書存留之日無一時不慄膏鎖之懼乃垂
三百年巨帙沈而復見詎非九原靈爽所式憑
歟惟分目鄰於杜撰諸志繁簡失宜叙事疎放
歐公文義轉致缺誤又前後重見如楊循吉分見
於卷十三卷二十卽寶分見於卷十卷十六方外內紀
東復目殊域字被誅而回誤內復有復見心一條閨
懿女貞內記武昌女子而婦死冠烈內復出何泚女即
武昌女子此類不可枚舉又夏言之死等於崑山不為
列傳劉宗周祁彪佳俱理學名臣身殉國難列諸

武畧以及教匪流賊襟廁奸壬均於義未安又
史以褒貶為主究異琬琰之編如溫體仁周
延儒位至宰輔尤為時論所特注不為立傳
未詳何義又列傳後之列朝逸傳亦即卅錄
之意祇限於其人之一節傳中如袁崇煥阮大
鍼關係時事至鉅他卷既無專傳實嫌疏略
以上諸端俱未可以史例繩之也竊謂列朝史冊
典午以後率由官撰類取文飾有明一代前有靖
難後有復辟此主彼奴真實湮汨而名流著作
凡闖涉遼事或建州者大半斥入禁目明史一書

全據橫雲舊稿德國初文字諸獄趨避無可諱
言是編遺文逸事足以補正明史者實多雖以有
疵類無傷也備志引拜經樓題跋記謂萬季野
史葉即係此書且引周松雷語有朱康流張待
軒傳及海昌俞子久事以資證佐今檢此書僅
諸王傳海寧諸生俞子久區宗室李蘭皋空洙
一事餘均無之殆係偶同近滬估有持石渠書求售
者謂即季野史稿以索價過鉅即時持去惜未稍
畱互勘一析其疑也乙丑清明節吳興劉承幹跋



跋

右罪惟錄一百又二卷海寧查伊璜先生

繼佐

撰左尹之名自

敘中已明言其僞託清介列傳查應兆傳論曰蓋吾氏有兩閩
籓其一毳齋約亦以清介聞云云播匿列傳黑子僧傳曰而聽
月爲余族弟得臨濟之傳者云云其他散見各傳若監軍江上
諸事皆可證明是書爲先生所撰惟自敘云始於甲申成於壬
子沈仲方所撰先生年譜則云乙未先生五十五歲始著罪惟
錄歷二十年乙卯迺成年已七十五矣所序著書年月略有參
差要當以自序爲據序中所云別號東山者時先生隱居硤石
東山萬石窩故云然也此書自序僅言改名罪惟不知原名是
否明書

費景韓姑夫著敬修堂歷著書目考載管芷湘先生所見罪惟

錄殘稿以較此稿少帝紀二十二卷數志一卷祖禰至衡運列傳外蕃列傳七卷及外志逸傳等多荒節諸臣回回荒服三傳及諡法後論一卷然管先生所見凡兩種一則售於金陵被裝潢割裂者一則藏於吾鄉佚前二冊或有傳無論或有論無傳者皆非全書今是書不獨自敘志敘二篇爲伊璜先生手寫卽書中諸稿凡行書者皆手筆也而又紀傳皆備首尾完整似較芷湘先生所見之本爲善矣

此書雖未標荒節之名然諸臣之傳皆在回回各傳外蕃中亦詳載之荒服至王會諸國而極矣今皆在外國傳中則所短者僅諡法後論一卷而已所惜芷湘先生所見二書及是書皆無原目不能印證究竟回回荒服二傳是否分列抑係後人割裂卷帙強爲之名也

全書海昌備志引金志云一百二十卷書目考連自敘作九十卷今按原書致命列傳僅標十四上而中下兩卷未分外志標爲三十二卷上亦未分中下是原未定卷一百二十之數殆武斷也今遵管目增荒節一傳致命外志承原標之意皆分爲三共計子卷序目爲一百又三卷可以復先生之舊矣外志原書附在志後體例不符今移在列傳之後

此書翼運衡運二傳卽敬修堂說外二卷也據年譜說外刊成於順治辛卯則自序始於甲申之證也中經莊氏史獄

(康熙壬辰長疑寅誤)

繫獄幾二百日後更遊粵自粵歸隱始成全書則成於壬子之證也在史獄之前先生已有說外說造諸作則莊氏之史先生所樂與共事可知矣史獄之後莊氏之書燬而不傳先哲亦無敢載筆述其書之情狀然吾意先生是書必大半以莊氏之書

爲藍本而加以筆削者也惜無碣證所得者僅文史列傳焦竑傳論中引莊鑰曰致身錄一書童子皆知其僞而弱侯寶之數語耳然卽此亦可證取材莊史矣

先生是書最注意者靖難奪門議禮鼎革數事河西傭補鍋匠等皆爲列傳顧佐等皆入乘時則宜乎三楊金蹇之爲荒節也凡乘時一傳幾皆爲靖難奪門議禮三事而設桂主之後附以韓主鄭成功及臺灣二傳又慨乎言之則惓惓故國之心可見矣

是書諫議傳無楊漣等隱逸傳僅至孫一元奸壬傳無馬士英等闕帙至多蓋原書每傳不連寫又經後人任意裝訂先後倒置無目錄可查故雖闕而不知也今日既據書補錄不揣荒陋他日當爲之補傳以成全書

袁崇煥黃斌卿入逸傳豈以是非難定耶阮大鍼不入奸壬傳則所不解矣

昔年鈔得談孺木先生國權八十餘冊談先生雖海鹽人國變之後寄寓西山之下以成此書今復鈔得是書硤一小鎮東西二山培塿耳乃二先生隱此著二巨書幸哉整理之責後人所當任矣

原書向藏仁和吳氏清來堂今歸吳興劉氏嘉業堂承翰怡兄借鈔凡六閱月而畢因記之如此

辛未六月大暑後三日張宗祥記

跋

海寧張君闓聲傳錄其鄉賢查東山先生罪惟錄既成畀余數十巨冊曰是不可以不傳余受而讀之復勾劉君翰怡所藏東山手稿互校知二本文無增損卷目微異則闓聲所變更也按原書本紀二十二卷志三十二卷列傳三十五卷增子目又八卷綜九十七卷全書無總目無分目紀志井然獨列傳或有總論或無總論有總論者亦略不及本傳姓名僅首列一人前題某某傳餘均各爲起迄復不記卷次葉號故隸甲類者往往可移之乙乃至於丙丁闓聲以其闕略疏誤重加釐次有併合者如傳卷十二二十三漏載總論傳目無統可繫則以分隸於經濟諫議二傳有分析者武略播匿原均列卷二十一則區之爲二有增益者如參照他本補荒節叛逆二傳又析傳卷十四志卷

三十二爲三子卷以弭其有上無中下之失有削除者如刪原不列卷且僅存一人之回誤而納之於荒節中其他各依其性質互爲移徙者有之詳辨其文義釐正錯簡者有之余恐其猶有未盡以授何君柏丞柏丞復舉所見與閱聲商榷更定次第一如今本共成一百有二卷余惟東山之著是書始於崇禎甲申終於康熙壬子原名明書經莊氏史案改易今名深自晦匿幸逃禁網至乾隆時文字之獄又起藏者懼罪不忍投諸水火取建鹵滿兵北師東人等字而塗易之冀免於禍今筆痕墨影之中猶可徐返其朔閱時既久蟲鼠爲虐大者或連篇累葉首尾不完小者亦零段散片破碎華離裝工無識妄相湊合文義乖舛不可卒讀反覆追尋棼絲稍治此不可謂非藝林幸事且名賢遺墨實爲瑰寶修飾點竄尤具苦心翰怡慙慙以原稿印

行顧卷葉淆亂既經檢理文字殘逸闕聲亦多有校補既取原稿付印更須摹補校文姜君佐禹以二本讐對歷時半載始克歲事佐禹語余此蓋東山重訂未完之書出獄以還深懼覆轍埋首數年匆匆卒業自敘暨他人分寫之本殆成於此時其全文中脫數行合傳缺一二人者或當時未就之稿有傳爲清本而論爲手寫或全篇手寫者必續訪新得或芟除重撰之作書尙徐待編排故各自爲篇篇不記葉觀於某卷顛倒錯亂當重爲排定之言眉端入某某目之註可以概見其紀逸志逸傳逸諸篇揆之史例殊多未合意必當日筆削餘材不忍舍棄強立名目附以流傳要之東山冒死成書爲有明留三百年之信史歷劫無算終免沉淪正不必以其有所疎漏而過爲吹求况張氏拾補所以彌其缺憾者尤非鮮也余嘗讀蓺風堂文漫存記

其所見一本志僅二十七卷頗疑其何以不符證以佐禹之言
乃知爲初修之稿而非手定之本則此洵爲最後而可信者矣
東山自言罪惟錄得復原題之日卽左尹得復原姓名之日今
雖仍題所易之名而原名實已盡人皆喻九原有知其亦可以
稍慰也乎民國二十五年丙子六月海鹽張元濟